


詩傳名物集覽

三







詩傳名物集覽

(三)

陳大章 著

詩傳名物集覽卷七

草

參差荇菜

朱傳。荇。接余也。根生水底。莖如釵股。上青下白。葉紫赤。圓徑寸餘。浮在水面。爾雅。蒼接余。其葉荇。郭璞注。叢生水中。葉圓。在莖端。長短隨水深淺。江東人食。取莖以苦酒浸之。脆美。毛傳。后妃供荇菜。以事宗廟。疏。周禮。四豆之實。無荇。陸疏。根在水底。與水深淺等。大如釵股。鬻其白莖。以苦酒浸之。脆美。可按酒鬻。卽煮。羅氏云。荇菜葉卷。漸開圓。而稍羨。不若蓴之極圓也。皆隨水高低。平浮水上。花黃色。六出。今宛陵陂湖中。彌覆頃畝。日出照之如金。俗名金蓮子。嚴氏詩緝云。參差訓不齊。今池洲人稱蒼公鬚。蓋細荇亂生若鬚。然。詩人之辭不苟矣。埤雅。三相參爲參。兩相差爲差。參差言其出之無類也。左右言其求之無方也。荇之言行也。蘋言賓。藻言澡。繁言盛。故教成之際。芼用蘋藻。以成婦順。顏氏家訓。荇菜是水菜。有黃花。葉似蓴。可爲祭祀之菹。河北人不識荇。博士皆以參差者是萑菜。名物解。荇菜謂之荇芥。順陽而長。本係陰。有潔不可陷溺之德。故以況淑女。本草。薺菜味甘冷。卽荇菜。別本注云。生水中似蓴。莖澀。根極長。江南人多食之。云是豬蓴。誤也。豬蓴與蓴絲各一種。張七澤云。荇菜首見三百篇。江南陂澤中有之。農田餘話。謂熟煮其味如蜜。名荇酥。然知者絕少。詩記。芼。熟而薦之也。芼以薑桂。詩緝。芼之謂爲羹。內則。芼羹。注。菜雜肉爲

羹爾雅。菜謂之蔬。說文。蔬菜也。凡草可食者皆名蔬。月令。仲秋命有司。趨民務畜菜。注。菜所以助穀之不及。故收之爲備。古者入學以菜贄。釋菜於先師。重蔬也。毛傳云。后妃能共苻菜。備庶物以事宗廟也。祭統。水草之菹。陸產之醢。小物備矣。三牲之俎。八簋之實。美物備矣。昆蟲之異。草木之實。陰陽之物備矣。凡天之所生地之所長。苟可薦者。莫不咸在。示盡物也。說原曰。蔬植三百六十。葵爲之長。凡草木之苗皆可茹。種類最繁。華夷花木考。言點蒼山有高河菜。萊州有龍鬢菜。廣州有雞侯菜。稽含所言綽菜。優殿菜。蘇軾所言藤葉菜。食物本草所載蕺菜。醍醐菜。茅膏菜。孟娘菜。劉隱菜。其諸蒿。諸根。諸樹頭。諸花瓣。諸藥草苗。皆可爲菜。在辨其味而已。張華曰。瓠菜蔓生。花白。中空而脆。自船舶以瓠盛來。故名。能解野葛毒。魏武噉野葛尺許。應食是菜。劉安世曰。啖野葛飲鳩酒。操揚此聲。誑人欲其無害己耳。非實事也。又魏武遣人覘劉備。方閉門種菜。東方朔七諫云。桂蠹不知所淹留兮。蓼蟲不知徙乎葵菜。注。喻衆人嗜進。己守正終困也。

葛之覃兮

朱傳。葛草名。蔓生。可絺綌者。毛傳。葛所以爲絺綌。女功之事。煩辱者。羅氏曰。葛生山澤間。其蔓延盛者。牽其首以至根。可二十步。禹貢。卉服。注云。草服葛也。葛花。藤皆可醒酒。又雞齊一名鹿藿。一名黃斤。其生延蔓。生食甜脆。亦可烝食。有粉。今之食葛。非爲絺綌者也。周禮。地官掌葛。徵絺綌之材於山農。凡葛。征。徵。草。貢之材於澤農。注。征。葛不止爲絺綌用。草貢。芒屬也。周書。葛人得其葉以爲羹。君子得其材以爲絺綌。以

爲君子朝廷夏服禮后織玄紉今乃親葛事如此蓋親蠶以勸女工之正事親葛以勸女工之餘事也埤雅葛性柔韌蔓生可爲布瓜葛皆延蔓相及故屬之蔓延者取譬瓜葛又曰葛性柔韌蔓生可衣故引以爲賦蓋知稼穡之艱難則可以爲王矣知女工之勤勞則可以爲后矣蘇恭曰葛雖除毒根入土五六寸名葛脰脰頸也服之令人吐有微毒本經葛穀卽其實也又就葛亦葛類葉黃而圓故曰黃環實名狼跋子治痰嗽消腫野葛本作冶葛論衡云冶地名在東南廣人謂之胡蔓草一名斷腸岳州謂之黃藤卽鈎吻大毒爾雅有龍葛注似葛蔓生江東呼龍尾亦曰虎葛一名烏蔽一名五葉莓治癰神藥也

采采卷耳

朱傳卷耳泉耳葉如鼠耳叢生如盤爾雅卷耳苓耳郭云廣雅泉耳亦云胡泉江東呼常泉或曰苓耳形如鼠耳故有耳之號叢生似盤陸疏葉青白色似胡葵白華細莖蔓生可煮爲茹滑而少味四月中生子如婦人耳中璫今或謂之耳璫幽州人謂爵耳羅願云幽冀謂之檀菜其實如鼠耳而蒼色上多刺好著人衣一名菴離騷以喻小人所謂葢菴菴以盈室是也一名羊負來博物志洛中有人入蜀胡泉著羊毛洛人種之據此物旣稱胡泉必是胡物但國風爾雅所載其來已久非始於近世也本草經泉耳實味苦甘溫葉味苦辛久服益氣耳目聰明彊志輕身一名地葵一名菴生安陸川谷六安田野實熟時採陶隱居曰此是常思菜僮人昔食之以葉覆麥作黃衣者方用甚稀詩紀據本草卷耳卽蒼耳今麴藥多用之崔實四民月令伏後廿日爲麴至七月七日乾之覆以胡泉故古人采之淮南子誓師庶女位賤尙菴權

輕飛羽。許叔重曰。尙主也。藁者。藁耳菜名也。言主是官者。至微賤也。瞽師庶女。尤賤於此官。故曰權輕飛羽。據此則采采卷耳。賤者之役矣。名物疏。古釋卷耳者。皆以爲卽蒼耳。惟鄭夾漈云。詩云采采卷耳。以其可茹也。卽今卷菜如連錢者是。若蒼耳。但堪入藥。不可食。南越志。寧越鄉多施卷。江淮謂之宿莽。郭璞贊。施卷之草。拔心不死。屈平嘉之。諷詠以比。取類雖邇。興有遠旨。廣要云。王逸曰。施。泉耳也。或因爾雅卷施草。謂卽是施。郭氏以爲宿莽。引離騷夕搴中洲之宿莽。第宿莽過冬不死。藁耳至秋早凋。確是二物。荆楚歲時記。卷耳一名璫草。叢生如盤。舊說千歲龜巢於蓮葉。遊於卷耳之上。本草卷耳一名施。離騷藁施。王逸及朱子。皆以施爲泉耳。舊注豆屬非。

葛藟藟之

朱傳藟葛類。壘猶繫也。爾雅諸慮山梟。郭注今江東呼爲壘藤。似葛而羸大。陸疏一名巨苾。似燕莫。亦延蔓生。葉如艾。白色。其子亦可食。酢而不美。幽州謂之推藟。本草千歲梟一名藟蕪。陶隱居云。樹如葡萄。葉如鬼桃。陳藏器云。似葛。蔓葉小。白子赤條。中有白汁。圖經藟生泰山山川谷。作藤生。蔓延木上。葉如葡萄。而小。四月摘其莖。汁白而甘。五月開花。七月結實。八月採子。青黑微赤。冬凋葉。卽詩云葛藟者也。蘇恭謂是藟。藟藤深爲謬妄。左傳云。葛藟猶能庇其本根。廣要云。藟必與葛同詠。如此詩與縣縣葛藟。莫莫葛藟。諸什是也。爾雅入釋木。後人以木解之。恐誤。正字通說文草部。藟草也。一曰秬鬯。又入木部曰藟木也。爾雅釋木有山梟。郭注今江東呼梟爲藤。似葛而羸大。韻會云。藤大如盤。故從木。其形似草。故從草。集韻藟或

作藁。據此則藁與藁通。說文分部訓木非藁。與秬鬯巨瓜無涉。舊注並失之。又楊慎引韻英。葛藁作葛藁。不知藁卽藁之譌省也。

采采芣苢

朱傳芣苢車前也。爾雅芣苢馬舄。馬舄車前。疏藥草也。別三名。郭云。今車前草。大葉長穗。好生道邊。江東呼爲蝦蟆衣。本草車前子。強陰益精。令人有子。一名當道。一名牛遺。一名勝舄。生真定平澤。丘陵阪道中。陶隱居云。子性冷利。仙經亦服餌之。令人身輕不老。韓詩乃言芣苢是木。似李。食其實宜子孫。是爲謬矣。圖經云。春初生苗葉布地如匙面。累年者長及尺餘。如鼠尾花甚細。青色微赤。結實如葶藶。赤黑色。今人五月採苗。七月八月採實。陸疏馬舄喜在牛跡中生。故云車前當道。幽州人謂之牛舌草。可煮作茹。大滑。其子治婦人產難。王肅引周書王會云。芣苢實大如李。出西戎。王基駁云。王會所記雜物奇獸。皆四夷遠國各齎土地異物以爲貢贄。非周南婦人所得采。是芣苢爲馬舄之草。非西戎之木也。王身山居錄有種車前翦苗食法。昔人多以爲蔬。今野人猶採食之。埤雅列子曰。若蠅爲鶉。得水爲齧。得水土之際。爲蠅蟻之衣。生於陵屯。爲陵舄。陵舄車前也。或謂之蝦蟆衣。韓詩外傳直曰。車前瞿芣苢。蓋生於兩旁。謂之瞿。按草最易生。他草所在或無。唯車前蒼耳所至有之。故芣苢卷耳之詩。正言此二物。蓋不如是。不足以著志不在焉。與樂有子也。神仙服食經。車前實雷之精也。服之形化。八月採地衣。地衣者。車前實也。或因本草車前一名勝舄。誤指芣苢卽澤舄。非是。郭璞贊。車前之草。別名芣苢。王會之名。其實如李。名之相亂。在乎

又可蒸。一名游胡。北海人謂之滂渤。又曰：蘩之醜。秋爲蒿。謂春時各有種名。至秋老通呼爲蒿也。夏小正傳曰：蘩游胡。游胡滂渤也。本草注：生中山川澤。二月采此蒿。麤於青蒿。從初生至枯白於衆蒿。葉似艾。葉上有白毛。麤澀。俗呼爲蓬蒿。孟詵云：此蒿春初先諸草生。其葉生按醋淹之爲菹。甚益人。今人但食萑蒿。不復食此。或疑此卽萑蒿。而孟詵又別著萑蒿。所說不同。明是二物。陸佃云：蒿青而高。蘩白而繁。詩曰：采蘩祁祁。今覆蠶種尙用蒿。羅願云：萑卽古之蘩。生澤田漸洳之處。詩云：采蘩於沼沚。明是水草。說者乃云：蘩。萑蒿。陸草。不妨亦謂之蘩。顧非夫人所採耳。幽風春日遲遲。采蘩祁祁。蓋農工有早晚。蠶事有先後。言采桑於前。以著蠶之早者。言采蘩於後。以著蠶之晚者。今覆蠶種尙用蒿。仙經云：白蒿。白兔食之。仙爾雅：蘩菟葵。郭璞云：未詳。豈謂是與。又駟驢亦食菴蒿子。而仙駟驢馬類。物各有所宜。本草又稱兔食茵陳。而仙蓋茵陳似青蒿。而背白。故說者誤以白蒿說之。其苗細。經冬不死。更因陳根而生。故名。凡蘩之醜。艾可炙。蒼可占。蕭可燎。萑。萑。蘩。通可茹啖。當別而論之。朱子語錄問采蘩詩。若作祭祀說。自曉然。若作蠶事說。雖與葛覃同類。而恐實非也。葛覃是女工。采蘩是婦職。以爲同類。亦無不可。何必蠶事而後同邪。曰：此說亦姑存之而已。詩名物疏按本草注：生中山川澤。則萑蒿不妨爲水物也。但所在有之。多生陸地耳。羅氏背爾雅而自爲說。非也。

言采其蘩

朱傳：蘩。鼈也。初生無葉時可食。爾雅：蘩。鼈。注：廣雅云：紫。非也。初生無葉可食。江西謂之鼈。邢疏云：可食。

之菜也。陸疏：蕨，山菜也。周秦曰蕨，齊魯曰齧。初生似蒜，莖紫黑色，可食如葵。陸佃云：狀如大萑拳足，又如其足之蹙，故謂之蕨。名物解曰：言其始生未有放葉，始蕨之時，俗云：初生亦類鼈腳，故曰齧也。羅願云：蕨生如小兒拳，紫色而肥，野人今歲焚山，則來歲蕨菜繁生，其舊生蕨之處，蕨葉老硬，敷披，人誌之謂蕨。基今道路負荷轉移者，皆不肯食，云：令人腳弱。薇猶禮家用之，蕨不復用，可知賤也。通志：蕨一名齧，莽牙也。四皓食之而壽，夷齊食之而夭，此物不可生食，搗汁取粉，凶年以禦飢，又有一種大蕨亦可食，謂之萹蕨。爾雅云：萹，月爾，蕨與萹爲二種。花繁，月爾蕨無花。陳藏器云：今永康道江居民，多以醋淹而食之。山谷詩：蕨芽初長小兒拳，酷似其狀。又一種水蕨，生水中，似蕨。呂覽謂之豈，一名蕪。宋史：范仲淹安撫江淮，進民間所食烏昧草，乞宣示六宮，以抑奢侈。烏昧卽蕨，搜神記：郟鑿鎮丹徒出獵，軍士有食生蕨者，得疾後吐一小蛇，懸之漸乾，乃蕨也。故蕨不可生食。按蕨與萹皆可作粉，非有二種。郭注云：似蕨，誤。蓋萹卽蕨之下體也。廣要謂大蕨名萹，卽爾雅之月爾，亦屬臆說。

言采其薇

朱傳：薇似蕨而差大，有芒而味苦。山間人食之，謂之迷蕨。陸疏：山菜也。莖葉皆似小豆，蔓生，其味亦如小豆。藿可作羹，亦可生食。今官園種之，以供宗廟祭祀。埤雅：爾雅薇垂水，好生水邊，故爾雅曰垂水，似藿菜之微者也。故儀禮公食大夫禮：鏹芼豕以薇。記曰：鏹芼牛藿、羊苦、豕薇是也。雅翼：文王之時，歌采薇以遣戍役。一章作止，二章柔止，三章剛止，故先儒以爲所遣有先中後輩。首章則二月中旬遣之，次章三月上

旬遣之。三章則三月中旬遣之。通志白薇曰白幕曰薇草曰春草曰骨美。又云薇生水旁。葉如萍。三秦記夷齊食之。三年顏色不變。其歌曰登彼西山兮采其薇矣。武王戒之。不食而死。程子曰夷齊不食周粟者不食周祿而已。采薇餓死。言食菜以沒世也。餓死之說未足深信。胡明仲云荆楚之間有草叢生。修條四時發穎。春夏之交。花亦繁麗。條之腴者大如巨擘。剝而食之甘美。野人呼爲迷陽。疑莊子所謂迷陽迷陽無傷吾行。卽此本草。薇有二種。生平原川谷似柳葉者白薇也。生水旁葉似萍者薇也。詩云陟山採薇。又云山有蕨薇。則是山菜。非爾雅所云垂水者也。埤雅混而一之。誤矣。然陸璣稱莖葉如小豆。蔓生。璣親見官園所種。所言必審。復非似柳之白薇。鄭漁仲謂是金櫻芽。不知何據。朱子胡氏皆以爲迷陽。而一云味苦。一云甘美。又自不同。惟項安世以爲今之野豌豆。蜀人謂之巢菜。有合陸疏蔬譜。薇一名野豌豆。一名大巢菜。生麥田及原隰中。莖葉氣味皆似豌豆。巢菜有大小二種。大者卽薇。無實。小者則東坡所謂元修菜也。

于以采蘋

朱傳。蘋。水上浮萍也。江東人謂之蘓。爾雅。苹萍。其大者蘋。郭注。山中浮萍。江東謂之藻。陸疏。水上浮萍。蘓大者謂之蘋。小者曰萍。季春始生。可糝。烝爲茹。又可苦酒淹以就酒。周書。穀雨前一日。水萍始生。萍不生。陽氣憤盈。夏小正。七月。滄潦生萍。本草。水萍一名水花。一名水白。一名水蘇。唐本注。水萍有三種。大者名蘋。中者曰苕菜。亦相似而葉圓。小者水上浮萍。吳氏本草。水萍一名水廉。生池澤水上。葉圓小。一莖一葉。

根入水。五月華白。本草經。水萍一名水華。久服身輕。陳藏器云。蘋葉圓闊寸許。葉下有一點如水沫。一名芡菜。詩緝。蘋可茹。萍不可茹。郭氏以小萍爲大萍。誤。豈有不可食之萍。而以之供祭祀乎。雅翼云。蘋葉正方。中折如十字。根生水底。葉敷水上。不若小浮萍之無根而漂浮也。故韓詩云。沈者曰蘋。浮者曰藻。藻音瓢。卽小萍也。蘋亦不沈。但比萍則有根不浮游耳。五月有華白色。故謂之白蘋。呂氏春秋。菜之美者。崑崙之蘋。萍焉。楚王渡江。得萍實。天問曰。靡萍九衢。言其枝葉分爲衢道。猶今言花五出六出也。九衢異方之物。今萍三衢。蘋雖大。四衢而已。本草稱水萍。皆得萍名而實蘋也。蓋實非無根者所能生。枝葉九道。尤大於蘋矣。陶隱居云。水萍非今浮萍子。說文云。萍無根。但有小鬚垂水中。楚辭曰。竊傷兮浮萍無根。然淮南子云。萍植根於水。木植根於地。則萍以水爲地。所垂者乃是根。今或反根於上。爲日所暴。卽死。是與失土同矣。二家釋萍極明。又與蘋有別。但謂食野之萃卽此。恐未必然。名物疏云。周處風土記。萍蘋。芹菜之別名。此說非是。芹別一物矣。蘋又有水陸之異。柳惲所謂汀洲采白蘋。水生而似萍者也。宋玉所謂起於青蘋之末。陸生而似莎者也。通雅云。蘋萍一類也。靡蘋田字草也。鄧元錫函史。謂其有根而大。蓋有二種。生湖中者大。生田中者小。所謂青蘋也。水中破銅錢曰白蘋。李時珍專以葉合成如田字者爲蘋。殆泥破銅錢名。四葉菜。又名田字草。湖塘田中皆有之。能療雞朦眼。非蘋也。陳藏器所云芡菜。卽楊慎卮言所謂田字草。時珍又以黃花白葉如小荷。結實如小角黍爲萍。蓬草卽楚王萍實。亦意揣之詞。鹿食之萃卽蒿也。非萍屬。陸佃指爲此萍。尤誤。陸疏廣要。鄭樵云。萍屬不可食。此必蓴類。葉亦圓浮水上如萍也。然未詳其

狀不免傳譌。按陸疏云：小者萍，原未相溷。埤雅：蘋與藻互發，終多模糊。又釋萍云：無根而浮，常如水平，故曰萍也。一謂之藻，言無定性，漂流隨風也。周官：萍氏掌水禁。鄭氏云：以不沈溺取名。蓋使幾酒謹酒也。月令：季春穀雨之日，萍始生。舊說：萍善滋生，一夜七子。一曰：萍生於止水，不生於流水。一夕九子，故曰九子萍也。世說：楊花入水爲浮萍。爾雅翼云：水上小浮萍。江東曰：藻，高誘曰：蘋，大萍，水漂也。字並同。音簞，瓢之瓢字，似藻。說者遂以相紊，蓋非其類也。卉木譜：蘋類極多難辨，其葉徑三寸，有一缺而形圓如馬蹄者，蕁也。似蕁而稍尖長者，荈也。其花並有黃白二色。葉徑四五寸，如小荷葉而黃花結實如小角黍者，萍蓬草也。四葉合成一葉如田字形者，蘋也。以此分別，必無錯誤矣。

于以采藻

朱傳：藻，聚藻也。生水底，莖如釵股，葉似蓬蒿。傳云：藻，聚藻。箋云：古者婦人先嫁三月，祖廟未毀，教於公宮。祖廟既毀，教於宗室，教以婦德。婦言，婦容，婦功，教成之祭，牲用魚，芼用蘋藻，所以成婦順也。蘋之爲言賓也。藻之爲言澡也。婦人之行，尚柔順，以自潔清，故取名以爲戒。春秋傳曰：濟澤之阿，行潦之蘋藻，置諸宗室，季蘭尸之，敬也。說者以爲季蘭，季女佩蘭者也。大夫之妻，教成之祭，共蘋藻焉。於是使女之季者，佩蘭主而奉之，故傳以爲季女微主也。爾雅：荇，牛藻。疏：荇，一名牛藻。藻之葉大者也。江東呼爲馬藻。細葉蓬茸，如絲可愛，一節長數寸，長者二三十節。左傳：蘋蘩蕒藻之菜，以此草好聚生，故言蘩藻。蕒，聚也。博雅云：凌菜，藻也。陸疏：藻生水底，有二種。一種葉如雞蘇，莖大如箸，長四五尺。一種莖大如釵股，葉如蓬蒿，謂之聚

藻。聚生故也。又云扶風人謂之藻。聚爲發聲。此二藻皆可食。煮熟按去腥氣。米麵糝烝爲茹嘉美。揚州飢荒。以當穀食。埤雅韓詩曰。沈者曰蘋。浮者曰藻。蓋藻萍類也。似槐葉而連生。生道旁淺水中。與萍雜。至秋則紫。今俗謂之馬藻。亦呼紫藻。故曰于以采藻。于彼行潦。草木疏以爲葉。似蓬蒿莖如釵股而大。謂之聚藻類矣。雅翼藻橫陳於水。如自澡濯。若流水之中。隨波衍漾。莖葉條暢。尤爲可喜。故采藻於行潦也。有自然之文。古者象服有藻火之屬。又畫於楨以爲飾。亦以厭火。今屋上覆椽。謂之藻井。取象於此。亦曰綺井。又謂之覆海。亦謂之思頂。凡鳧雁之屬。亦樂於藻。故又曰鳧藻。楚辭。鳧雁皆唼夫梁藻是也。卉譜藻有二種。水藻葉長二三寸。兩兩相對生。卽馬藻也。聚藻葉細如絲。節節連生。卽水蘊也。俗名鰓草。又名牛尾蘊。本草。海藻生海島上。如亂髮。有二種。生淺水如短馬尾。生深水葉如水藻而大。名大葉藻。可入藥爲菹。南越志。有品藻。品如藻也。書藻火以五彩彰施於五色作服。注。水藻取其潔。又文辭曰藻。言文彩如藻之布列。漢杜詩傳。士卒鳧藻。注。和睦如鳧之戲水草間也。廣要。按陸璣謂藻出水下。羅氏亦云橫被水下。則藻非浮者明矣。或因韓氏浮者爲藻。誤刻作藻。遂謂藻亦出水上。謬甚。埤雅引呂覽。菜之美者。崑崙之萍藻。又引淮南子。容華生蕙。蕙生萍藻。遂疑萍卽藻。又云。蒲藻之藻。沈。萍藻之藻。浮。總惑於沈浮之說。遂認爲一物耳。

白茅包之

爾雅。薏。杜茅也。郭鄭俱云。白茅屬。邢云。茅之不實者。陸疏。白茅包之。茅之白者。古用包裹禮物。以充祭祀。

周易拔茅茹以其彙。征吉。陸佃云：茅之爲物，拔其根而牽茹者，君子以類出處之象。又云：藉用白茅，无咎。象曰：藉用白茅，柔在下也。孔子曰：茅之爲物，薄而用可重也。禹貢：荊州厥貢包匭菁茅。鄭玄注：菁茅，有毛刺者。禮記：縮酒用茅，明酌也。茅，明也。故縮酌用茅，謂之明酌。甸師祭祀共蕭茅。吳錄：地理志：桂陽郴縣有青茅，可染青。零陵有香茅。古貢之縮酒。左傳：爾貢包茅不入，王祭有供，無以縮酒。雅翼：茅類甚多，惟白茅擅名。苗出地曰茅，鍼花曰秀，葉曰菅，根曰茹。左傳：前茅慮無。注：茅，明也。或曰：時楚以茅爲旌識。括地志：辰州有包茅山。武陽記：山出包茅，有刺三脊。今訛爲巴茅。湖南交廣皆生之，有刺。其生江右江東者，小而無刺，但葉邊毛能割手耳。合璧事類：茅叢生荒間，野人刈以覆屋。江淮間生者，一莖三脊，曰菁茅。埤雅：管子曰：農趨時就功，首戴蒲茅，身衣襜褕，蒲茅，箬笠也。蓋尊者草服，臺笠卑者蒲茅。詩：晝爾于茅，言穀人日力不足，取茅於晝，而夜以繼之也。列子曰：因以爲茅靡，因以爲波流。茅靡，一作弟靡。弟，讀如稊。茅之始生也，詩曰：手如柔荑，荑，稊一也。相經曰：筋不束體，血不華色，手無春荑之柔，髮有寒蓬之悴。蓋形以下也。小雅：露彼菅茅，叶下尤韻。離騷：時繽紛其變易兮，又何可以淹留。蘭芷變而不芳兮，荃蕙化而爲茅。按禮：祭束茅加於裸圭，灌鬯酒其上，謂之茜。左傳：無以茜酒。茜，所六切。音縮。今作縮義通。

彼茁者葭

朱傳：茁，生出壯盛之貌。葭，蘆也。亦名葦。爾雅：葦，醜也。葭，華也。葭，蘆。其萌蘢。夏小正：七月秀葦。葦未秀則不爲葦。葦秀然後爲葦。葦，葦未秀爲葭。郭注：卽今蘆。鄭注：亦謂之蘆花。陸疏：葭一名蘆，葦一名亂。

亂或謂之荻。至秋堅成則謂之萑。其初生三月中。心挺出其下。本大如箸。上銳而細。揚州人謂之馬尾。埤雅。葦醜芎。言其華皆有芎秀。經風輒吹揚如雪。其聚於地如絮。淮南子。蒿苗類絮。而不可以爲絮。葦卽今之蘆。一名葭。葭葦之未秀者也。萑卽今之荻。一名兼。兼萑之未秀者也。葭一名華。兼一名蘆。至秋堅成。謂之萑葦。詩。八月萑葦是也。莊子曰。欲惡之孽爲性。萑葦兼葭。始萌以扶吾形。尋擢吾性。明此則幼曰兼葭。長曰萑葦矣。先儒以爲萑如葦而細。按禮。土鼓。蕢。桴。葦。籥。伊耆氏之樂也。葦管中籥。則萑小而葦大矣。其字從韋。則葦緩故也。荀子曰。柔從若蒲葦。非怯懼也。葦可緯爲簿席。萑亦可緯。唯完而用之。不如蘆之或析也。嚴粲云。葭蘆葦又名華。一物四名。葭葦之初生者。淮南子。季夏令滂人入材葦。名物解。蘆謂之葭。其小曰萑。生宜下。可織爲簿席。卉譜。葭花名蓬蘽。筍名蘆。長丈許。中虛皮薄。老則白莖。中有白膚。薄如竹紙。身有節如竹葉。隨節生如箸葉。下半裹其莖。無旁枝。花作穗若茅花。根若竹根而節疏。取水底味甘辛者。堪入藥。史記。田單灌脂束葦於牛尾。牛熱怒奔。燕軍三國。魏伐吳。徐盛植木衣葦。爲疑城。假樓數百里。時江水盛長。魏師還。荆楚歲時記。正旦懸索葦於門。葦並葭也。又幽風。八月萑葦。蠶簿也。方言。宋魏之間。謂籥爲籥曲。通作曲。禮月令。季春具曲。植籥筐。漢周勃傳。織薄曲爲生。名物疏。字說云。蘆謂之葭。其小曰萑。葭謂之兼。其小曰葦。與夏小正埤雅之言相反。釋爾雅者。孫炎。郭璞。以蘆亂爲二草。李巡。樊光。以蘆亂爲一草。自古有此紛紛矣。漢書。非有葭葦之親。注。葭中白皮曰葦。杜詩。吹葭六管動飛灰。葭灰曆。吹氣用之。彼苗者蓬。

朱傳蓬草名爾雅鬻彫蓬薦黍蓬疏別蓬種類說文蓬蒿也草之不理者也埤雅其葉散生末大於本故遇風輒拔而旋雖轉徙無常其相遇往往而有故其字從逢曾子曰蓬生麻中不扶自直禮內則世子生桑弧蓬矢以射四方疏蓬禦亂之草又蓬華如柳絮飛如亂髮衛風首如飛蓬商子曰飛蓬遇飄風而行千里者乘風之勢說苑秋蓬惡於根本而美於枝葉秋風一起根且拔矣是以君子務本也通志菰曰蓬今人謂之菱爾雅彫蓬者米菱也其米謂之彫胡可作飯故曰鬻黍蓬者野菱也不能結實惟堪薦藉故曰薦蓬陸草葭澤草故詩以言庶類蕃殖莊子曰夫子猶有蓬之心也又秋水篇蛇謂風曰今子蓬蓬然起於北海入於南海注蓬蓬風起貌讀書通作芄芄義問東方朔七諫滅規矩而不用兮背繩墨之正方離憂患而乃寤兮若縱大火於秋蓬夫蓬善轉旋非直達者有利轉之象故古者觀蓬知爲車觀浮木知爲舟東觀漢記曰栗駭蓬轉因遇際會管子無儀法程式蜚搖而無所定謂之蜚蓬之間蜚蓬之間明主不聽也名物疏按蓬是蒿類與菱自別鄭漁仲所云蓋本孫炎爾雅注非也

匏有苦葉

朱傳匏瓠也匏之苦者不可食特可佩以渡水而已然今尙有葉則亦未可用之時也說文匏瓠也從包從夸聲包取其可包藏物也郊特牲器用陶匏以象天地之性蓋取其質古今注匏瓠也壺蘆瓠之無柄者瓠有柄者懸瓠可以爲笙曲沃者尤善秋乃可用之則漆其裏瓢亦匏也瓠其總瓢其別也廣要云壺卽匏也其性浮得之可以免沈溺此如天竺涉水帶浮囊之類爾雅翼河汾之寶有曲沃之懸匏焉良工

取以爲笙。通典：匏在八音之一。今之笙竽，以木代匏而漆，殊愈於匏。荆梁之南，尚存古制。南蠻笙則是匏。其聲甚劣，後世不復用矣。洪氏曰：天官星占：匏瓜一名天雞，在河鼓東，繫而不食，猶南箕不可以簸揚。北斗不可以挹酒漿也。大象賦：匏瓜薦果於震。注：五星在離珠北，天子之果園，占大光潤則歲豐，否則瓜果之實不登。王褒九懷曰：援臝瓜兮接糧。曹植洛神賦：歎匏瓜之無匹兮。詠牽牛之獨處。阮瑀止欲賦：傷匏瓜之無偶。悲織女之獨勤。則古所稱匏瓜，皆謂星爾。埤雅：長而瘦上曰瓠，短頸大腹曰匏。傳云：匏謂之瓠。誤矣。蓋匏苦瓠甘，復有長短之殊，定非一物也。子曰：吾豈匏瓜也哉？焉能繫而不食，繫而不食，以苦故也。國語：穆子曰：豹之業及匏有苦葉矣。叔向曰：苦匏不材於人，共濟而已。魯叔孫賦：匏有苦葉，必將涉矣。詩：言匏有苦葉，則濟有深涉矣。記時也。莊子：秋水時至，百川灌河之時也。又詩曰：酌之用匏，言其質也。郊特牲曰：器陶匏以象天地之性，蓋取其質。陸疏：匏，瓠也。葉小時可爲羹，又可淹煮，極美。故詩曰：幡幡瓠葉，采之烹之。今河南及揚州人恆食之。八月中，堅強不可食，故云苦葉。詩緝云：匏經霜，其葉枯落，然後乾之，腰以渡水。蔬譜：匏一名蒹姑，蔓生莖長，須架起，則結實圓正，亦可就地生。大小數種，有大如盆盎者，小如拳者，有柄長數尺者，有中作亞腰者。葦韌有絲如筋，葉圓有小白毛，面青背白，白花。有甘苦二種。名物疏：按廣雅說文：古今注：陸璣疏：通云匏，瓠也。惟陸農師云：長而瘦上曰匏，短頸大腹曰瓏，其兩形之別，出於農師。胤見考諸書：惟瓠甘匏苦爲可明耳。然本草有苦瓠，唐本注謂之苦瓠，瓠復非瓠中之苦者，瓠中之苦者，疑是匏矣。陸疏似以甘瓠爲匏，非也。蓋瓠爲總名，甘者可食，嘉魚稱甘瓠，纍之是也。苦者佩以渡水，此

詩匏有苦葉是也。入藥者名苦瓠。夏末始實。秋中方熟。取以爲器。經霜乃堪。無柄者名壺。七月稱八月斷壺是也。有柄者懸瓠。潘岳云。河汾之寶是也。小者名瓢。食之勝瓠。陶貞白所言是也。細腰者名蒲盧。淮南子云。百人抗浮是也。匏亦可通名壺。莊子瓠樽。司馬彪曰。若今所謂腰舟。前人方言。有腰舟之語。鷓冠子中流失船。一壺千金是也。字通。匏瓠二物。後人誤合爲一。孫愐唐韻。一音壺。一音護。義同。葉。草木葉也。爾雅。蔞。委葉。郭注。引詩以蔞蔞。今詩作蔞。蔞。蔞。蔞。草。一名委葉。一統志。木葉城在薊州。沈佺期詩。九月寒砧催木葉。又奕葉中葉。後葉。取相承覆之義。

采葍采菲

朱傳。葍。蔓菁也。菲。似菘。莖麤。葉厚而長。有毛。葍。菲。根莖皆可食。而其根則有時而美惡。毛傳。葍。須也。爾雅。須。葍。菘。郭注。未詳。鄭云。菘。葍也。積舊。莖頭而成葍者。又云。須。菘。蕪。郭注。蕪。菘似羊蹄。葉細。味酢。可食。坊記注。葍。蔓菁也。陳宋之間謂之葍。陸璣云。葍。蔓菁。一作蕪。菁。幽州人或謂之芥。呂氏春秋。菜之美者。有具區之菁。方言。蕪。蕪。蕪。菁也。陳楚謂之蕪。齊魯謂之蕪。關之東西謂之蕪。菁。趙魏之交謂之大芥。其小者謂之辛芥。其紫華者謂之蘆菔。尙書。荊州厥貢。包匭菁茅。孔氏曰。菁以爲菹。茅以縮酒。周禮。醢人。菁菹。鹿臠。注。菁。蔓菁也。急就篇。老菁。蕪。荷冬日藏。或曰。此韭花也。今蔓菁園中無蜘蛛。是所畏也。南都賦。秋韭冬菁。注。韭。其華謂之菁。本草。蕪。菁味苦。子明目。圖經。蕪。菁四時仍有。春食苗。夏食心。亦謂之蕪。子。秋食莖。冬食根。河朔尤多。可備飢歲。劉禹錫嘉話錄。諸葛亮所止。令兵士獨種蔓菁。取其纒出。甲可生啖。一也。葉舒可煮。

食二也。久居則隨以滋長。三也。棄不令惜。四也。迴則易尋采。五也。冬有根可斲食。六也。三蜀之人今呼蔓菁爲諸葛菜。江陵亦然。又蔓菁亦呼五美菜。一可生食。二葉可爲菹。三根可食。四食之消積。五多食無厭。嚴氏云。江南有菘。江北有蔓菁。相似而異。日華子云。蔓菁梗短葉大。連地上生。闊葉紅色者是。埤雅。菘性浚多不彫。四時常見。有松之操。故本草以爲耐霜雪也。舊說以菘菜北種。初年半爲蕪菁。二年菘種都絕。蕪菁南種亦然。蓋菘之不生北土。猶橘柚之變於淮北矣。蕪菁似菘而小有臺。一名葍。一名須。爾雅。須。蕪也。今俗謂之臺菜。爾雅翼。蔓菁南北通有之。北土尤多。皆燒食其根。呼爲蕪根。猶是蕪菁之號。漢桓帝永興中。令災傷郡國皆種蔓菁。以助民食。劉備歸曹公。公使人覘之。閉門將人種蔓菁。蔓菁根葉及子。皆是菘類。與蘆菔迥別。陶隱居言。其子與蘆菔似。兼言小葍。說者疑江表不產。故注失其宜耳。大率菘子黑。蔓菁子赤。大小相似。蘆菔子黃赤而大。又不圓也。亦梗長葉瘦高者爲菘。葉闊短厚者爲蕪菁。名物解。葍者封也。封之土而後盛者也。苗及下體皆可食而無棄。蔬必食苗。而葍非以下體爲美。故曰無以下體也。坊記注云。葍今蔓菁。通志云。北地一名九英。錢氏解下體。謂凡菜近地之莖葉。多黃腐不可食。蓋以鄭義根有時美惡。爲未安而易之矣。李時珍曰。別錄以蕪菁蘆服同條。致諸說紛紛。或以爲一種。或疑二物全別。或謂在南爲蘆服。在北爲蕪菁。今按二物根葉花子俱別。非一類。蔓菁是芥屬。根長而白。花黃四出。如芥子。均員如芥子。紫赤色。蘆服是菘屬。根員亦有長者。開淡紫花。子黃赤色。蔓菁六月種者。根大而葉粗。八月種者。莖美而根小。惟七月種者。根葉俱良。今北人以瓶醃藏。謂之閉甕菜。按萊菔與蕪菁爲二。說者

皆謂因方言關東西謂之蕪菁而譌。不知方言本云紫花者謂之蘆蕪。明與蕪菁根葉有別。猶郭注以蘆蕪爲蕪菁屬也。淮南子大旱苽封燠。苽卽菰蔣。封卽葑草。旱甚故葑亦燠也。其非萊蕪明甚。韻書葑訓蔓菁者平聲。訓菰蔣者去聲。分東送二韻。

菲毛傳。芴也。爾雅。菲芴。郭注。卽土瓜也。孫炎曰。菑類也。又云。菲蕒菜。郭注。菲草生下溼地。似蕪菁。華紫赤。色可食。廣雅。土瓜。芴也。崔實四民月令。二月盡三月。可採土瓜根。陸疏。菲似菑。莖麤葉厚而長有毛。三月中烝。鬻爲茹。甘美可作羹。幽州人謂之芴。爾雅又謂之蕒菜。今河內人謂之宿菜。名物疏。爾雅兩釋菲。一以爲芴。一以爲蕒。郭璞分爲二物。張揖。陸璣合爲一。然郭所云土瓜。絕無形種可的指。本草。菁土瓜。乃是月令之王瓜。爾雅之鉤睽姑。非此菲也。通雅。諸儒皆以菲爲土瓜。或以爲黃獨。蓋土中塊生者。多以瓜名。古瓜姑通聲。如苽音菰。以瓜諧聲也。

誰謂荼苦

朱傳。荼。苦菜。蓼屬也。詳見良耜。爾雅。荼。苦菜。鄭注。生山谷。味苦。今人呼苦益。邢疏。此味苦可食之菜。月令。孟夏。苦菜秀。時訓解。小滿之日。苦菜秀。苦菜不秀。賢人潛伏。陸疏。苦菜生山田及澤中。得霜甜脆而美。所謂莖茶如飴。內則。濡豚包苦用苦菜是也。儀禮。錮羊。苦本。草。苦菜。味苦。一名茶。草。一名選。一名游。冬不死。又一種紫莖。名赤芹。蜀芹。苦菜。亦名楚葵。寶藏論。赤芹生水濱。葉形似赤芍藥。上有黃斑。汁可制汞。伏硃砂。顏之推云。按易通卦驗。玄圖。苦菜生於寒秋。更冬歷春。得夏乃成。今中原苦菜則如此也。一名

游冬。葉似苦苣而細。摘斷有白汁。花黃似菊。江南別有苦菜。葉似酸漿。其花或紫或白。子大如珠。熟時或赤或黑。此菜可以釋勞。按郭璞注爾雅。此乃職黃蔕也。今河北謂之龍葵。梁世講禮者。以此當苦菜。既無宿根。至春子方生耳。亦大誤也。蜀本圖經。春花夏實。至秋復生。花不實。經冬不雕。衍義云。苦菜四方皆有。葉如苦苣。狹而綠色者差淡。味苦。花與野菊似。春夏秋皆旋開花。埤雅。月令孟夏苦菜秀。此草凌冬不雕。故一名游冬。合四時以制名也。詩曰。出其闔閭。有女如荼。蓋言繁也。傳曰。秦網密如秋茶。詩曰。董荼如飴。董毒荼苦。故言如飴。以著風土之善也。詩緝。經有三茶。一曰苦菜。二曰委葉。三曰英茶。此詩誰謂荼苦。及唐采茶云。采苦采苦。縣董荼如飴之茶。皆苦菜也。良耜。以薺荼蓼之茶。委葉也。鄭出其東門。有女如荼。英茶也。鷓鴣。予所撝茶。傳云。莢苕。疏云。亂之莠穗。亦英茶之類。蔬譜。苦菜一名苦苣。一名苦蕒。一名扁苣。一名游冬。一名天香菜。葉狹而綠帶碧。莖空。斷之有白汁。花黃如野菊。初綻結子一叢。如荷蒿子。花罷則萼斂。子上有毛茸。隨風飄揚。落處卽生。處處有之。但在北方。至冬卽凋。在南方者。冬夏常青。爲小異耳。爾雅有五茶。釋草。荼苦菜。蔕虎杖。蔕委葉。蓼芎茶。釋木。檟苦茶。詩中有三焉。嚴坦叔論之備矣。陶隱居以茶茗爲苦菜。陸農師以苦菜芽秀是一物。俱失考詳。顏之推以江南之苦菜爲職。云卽龍葵。然龍葵子無殼。苦職子有殼。又相似而不同。廣要按朱傳云。蓼屬。謂此茶與良耜以薺荼蓼之茶同。似不可從。詩緝辨之甚詳。但以撝茶爲英茶之類。恐未必然。陶弘景曰。茶卽茗。一名茶。或茶古茶字。古不食茶。故茶字不立。諸經無茶字。凡茶皆苦茶也。蘇恭辨之曰。茗木類。爾雅釋草。荼苦菜。釋木。檟苦茶。音遲遐切。二物全別。不得比。

例字通云。蘇氏以茶與茶爲二。又引爾雅。檟苦茶。遲遐切。音同茶。按茶無茶音。或爾雅訛茶爲茶。從人遂因之相濶耳。要之茶與茶本非一類。有茶茗不必別借茶。有檟不必別出檢。

其甘如薺

朱傳。薺。甘菜。爾雅。薺。薺實。本草經。薺味甘溫。主利肝氣和中。陶隱居注。薺類多此。是今人可食者。葉作菹。薺亦佳。薺一名護生草。大小數種。小薺花葉莖扁。味美。最細者名莎薺。科葉皆大而味不及小薺。莖硬有毛者名薺冥。欠佳。冬至後苗生。二三月起莖五六寸。開細白花。結莢如小萍。有三角。莢內細子名羞。四月收。師曠所謂甘草卽此。又本草。正二月開花。名蝸螺薺。俗呼地英。禮孟夏之月。靡草死。鄭注。薺。薺亭。薺之屬。春秋繁露。薺以冬美。冬水氣也。薺甘味也。乘於水氣而美者。甘勝寒也。薺之爲言濟。與濟大水也。淮南子。薺麥冬生而夏死。注言冬水王而生。夏土王而死也。師曠占。歲欲豐。甘草先生。甘草。薺也。雅翼云。薺亦應陰之物。其枝細靡。謂之靡草。通志。薺之菜甚小。自生園圃。或以爲薺。思邈云。薺。薺取解毒之功。爾雅又云。薺。莫大薺。本草。薺。莫在草部。味辛。非可食之薺也。陳藏器以大薺爲葶。然則薺。莫。葶。總之皆薺類也。東坡與人書云。今日食薺極美。天然之珍。不甘於五味。而有味外之美。天生此物。以爲幽人山居之祿。不可忽也。本草綱目。桔梗。薺。薺。一類。有甘苦二種。今俗呼薺。薺。爲甜。桔梗。一名杏參。一名杏葉沙。薺。言其葉似杏。微尖背白。根如沙。薺也。其性味功用。皆不相同。說文。薺。蒺藜也。引詩。牆有茨。按詩本作茨。爾雅。茨。蒺藜。不作茨。又今人以薺作蒺藜。亦誤。

隰有苓

朱傳苓一名大苦。葉似地黃。卽今甘草也。爾雅。藟大苦。郭云。今甘草也。蔓延生。葉似荷。葉青黃莖赤。有節。節有枝相當。或云藟似地黃。疏。唐風采苓首陽之顛是也。藟苓字異音義同。本草云。解百藥毒爲九土之精。一名蜜甘。一名美草。一名密草。一名蔞草。圖經云。甘草河西川谷積沙山及上郡。今陝西河東州郡皆有之。春生青苗。高一二尺。葉如槐葉。七月開紫花。似柰。冬結實作角。子如畢豆根。長者三四尺。麤細不定。皮赤。上有橫梁。梁下皆細根也。有數種。以堅實斷理者爲佳。詩采苓首陽。首陽山在河東蒲阪縣。今甘草所生處相近。而先儒說苗葉與今全別。豈種類有不同者乎。名物解。苓所以和百藥之性。使之相爲用者。故苓從令。埤雅。苓一名國老。如賓師之稱。藥有一君二臣三佐四使。苓者及其賓師也。其性能緩能急。協和諸藥。使之不爭。故藥罕不用者。雖非其君。而君實宗焉。其性喜生下溼。詩曰。隰有苓是也。晉風曰。采苓采苓。首陽之顛。采苦采苦。首陽之下。采葑采葑。首陽之東。苓甘者苦。苦者甘。言讒人無所不至。其害人也。必因其似而讒焉。采苓則因人之所甘而譖之之況也。采苦則因人之所苦而譖之之況也。葑有時而甘。有時而苦。又因人之所甘所苦而譖之之況也。爾雅。卷耳。苓耳。郭注。廣雅曰。泉耳也。亦云胡泉。形似鼠首。叢生如盤。詩邶風。隰有苓是也。后山叢談。諺曰。甘草生則麥熟。苦草生則蒿黃。筆談曰。爾雅云。藟大苦。注甘草。按其所述。枝葉莖節。乃黃藥耳。其味極苦。故謂之大苦。非甘草也。甘草一名蔞草。枝葉悉如槐。高五六尺。但葉端微尖而糙澀。有白毛。實作角生。如小匾豆。極堅。開寶曰。黃藥子。一曰紅藥。其根赤。乾則黃。今

人以入染甌中，易變色。

自牧歸蕘

朱傳。蕘，茅之始生者。埤雅。列子曰。因以爲弟靡。弟讀如稊。稊，茅之始生也。今人食之，謂之茅榘。孟子。不如蕘稗。詩曰。手如柔蕘。一也。毛傳。蕘，茅始生者。鄭箋。茅潔白之物，可以供祭祀。孔疏。茅以縮酒。左傳曰。爾貢包茅不入是也。讀詩記。大過九二。枯楊生稊。鄭康成注。作蕘。爾雅翼。稊有尖而細。古蕘稊字通。集韻。作稊。蕘，又作蕘。然則所謂稊者，凡草木根芽皆是，非獨茅也。大鮎本作鯀。故子路稱鯀。說文。作鯀。可知古人從弟從夷之通。舊注引周禮。稻人以木殄草而芟蕘之。訓蕘爲芟刈。按古本周禮作夷。譌作蕘。未可謂夷蕘古通也。又說文。蕘，英也。蕘草也。分爲二亦泥。

牆有茨

朱傳。茨，蒺藜也。蔓生，細葉，子有三角，刺人。毛傳。茨，蒺藜也。陶隱居云。多生道上，其葉布地，子有刺，狀如菱而小。長安最饒。人行多著木履。易云。據於蒺藜，言其凶傷，非所據而據也。詩云。牆有茨，不可掃也。以刺梗穢也。本草。茨一名推升，一名旁通，一名屈人，一名止行，一名休羽，狀如菱而小。今兵家鑄鐵爲之，以梗敵路，亦呼蒺藜。凡草木有針者，俗謂茨。劉玄傳。人掘鼻此而食，卽鼻茨。漢書譌作符訾。本草衍義云。蒺藜有二等。一等杜蒺藜，卽今之道旁布地而生，或生牆上，有小黃花，結芒刺，此正是牆有茨者。又有一種白蒺藜，出同州沙苑牧馬處，黃紫花，作莢結子，如羊內腎。埤雅。可以茨牆。故謂之茨。師曠占云。歲欲旱，旱草先

生。旱草。蒺藜也。韓詩外傳云。春植桃李。夏得蔭其下。秋得食其實。春植蒺藜。夏不得采其葉。秋得其刺焉。故君子慎所立也。

爰采唐矣

朱傳。唐。蒙菜也。一名兔絲。爾雅云。唐。蒙。女。羅。菟。絲。孫炎曰。別三名。郭璞云。別四名。又云。蒙。王。女。郭云。蒙。卽。唐。也。女。羅。別。名。又。名。松。蘿。通。爲。六。名。博。雅。女。羅。松。蘿。也。兔。丘。兔。絲。也。本。草。經。菟。絲。子。一。名。菟。蘆。一。名。菟。縷。一。名。唐。蒙。一。名。王。女。一。名。赤。綱。一。名。菟。壘。生。朝。鮮。川。澤。田。野。蔓。延。草。木。之。上。色。黃。而。細。爲。赤。綱。色。淺。而。大。爲。菟。壘。陸。璣。疏。菟。絲。蔓。連。草。上。生。黃。赤。如。金。陶。隱。居。云。田。野。墟。落。中。甚。多。皆。浮。生。藍。紵。麻。蒿。上。日。華。子。云。苗。莖。似。黃。麻。綫。無。根。苗。多。附。田。中。草。被。纏。死。或。生。一。叢。如。席。闊。開。花。結。子。不。分。明。如。碎。黍。米。粒。八。月。九。月。已。前。採。呂。氏。春。秋。或。謂。兔。絲。無。根。非。無。根。也。其。根。不。屬。地。茯。苓。是。也。龜。筮。傳。下。有。茯。苓。上。有。兔。絲。卉。譜。兔。絲。又。名。兔。丘。火。燄。草。野。狐。絲。金。綫。草。蔓。生。處。處。有。之。生。懷。孟。及。黑。豆。上。者。尤。良。夏。生。苗。色。紅。黃。如。金。細。絲。遍。地。不。能。自。起。得。草。梗。則。纏。繞。而。上。其。子。入。地。初。生。有。根。及。長。延。於。草。物。其。根。自。斷。無。葉。有。花。白。色。微。紅。香。氣。襲。人。結。實。如。枇。豆。而。細。色。黃。生。於。梗。上。味。辛。苦。甘。平。無。毒。淮。南。子。兔。絲。無。根。而。生。蛇。無。足。而。行。魚。無。耳。而。聽。蟬。無。口。而。鳴。皆。自。然。者。也。又。曰。茯。苓。抽。兔。絲。死。抱。朴。子。兔。絲。之。草。下。有。茯。兔。之。根。無。此。兔。在。下。則。絲。不。得。生。於。上。然。實。不。屬。也。又。內。篇。云。兔。絲。初。生。之。根。其。形。似。兔。掘。取。剖。其。血。以。和。丹。服。之。立。變。化。任。意。所。作。名。物。解。王。女。松。枝。化。而。生。女。蘿。之。生。依。乎。松。故。又。謂。之。蒙。蒙。蔽。也。桑。中。之。期。於。幽。遠。志。在。乎。依。所。蔽。

著也。許東陽曰：唐爾雅注別爲四名。又曰：蒙王女。注云：卽唐尤見唐蒙之別。傳菜也。蓋從毛注。但唐非可食之物。不知毛何據以爲菜名。名物疏：本草草部有兔絲。木部有松蘿。松蘿一名女蘿。性味及所生全別。爾雅云：女蘿兔絲。故毛公有類者。弁傳云：女蘿兔絲。松蘿也。陸璣駁之。以爲二物殊異。予謂此非雅之誤。乃毛公之誤也。草木多有名同實異者。兔絲名女蘿。松蘿亦名女蘿。小雅所稱之女蘿。正是松蘿。非兔絲也。書傳言兔絲根不屬地是也。舊云：上有茯苓。下有兔絲。鄭漁仲云：茯苓生山谷。兔絲生人間。清濁異趣。何由同居。抱朴子言：菟絲初生根似菟。今亦未有見者。故圖經疑爲別種。唐一作蘆。爾雅本作唐。六書統：蓉或從唐聲。唐與蓉同。苕蓉別名行唐。蓉一作菴。

爰采麥矣

朱傳：麥，穀名。秋種夏熟者。說文：麥，芒穀。秋種厚糞。故謂之麥。麥，金也。金王而生，火王而死。春秋說題辭：麥之爲言殖也。寢生觸凍而不息。精射刺直。故麥含芒事且立也。禮記月令：孟夏之月，農乃登麥。天子乃以彘嘗麥。先薦寢廟。是月也。麥秋。至仲秋之月，乃勸種麥。無或失時。又孟夏之月，天子食麥與羊。注：麥以金生。兌爲羊屬。金五行之氣。以相生而生。相克而成。二者皆金克木。故食之。其嘗麥以彘者，坎爲豕。屬水。故於孟夏亦取水克火也。夏小正：三月祈麥實。麥實者，五穀之先見者。故急祈之。九月鞠榮。鞠，草也。鞠榮而樹麥。時之急也。尙書大傳：秋昏虛星中，可以種麥。援神契：黑墳宜黍麥。呂氏春秋：孟夏之山，百穀三葉而穫。大麥得時之麥，稠長而頸黑。二七以爲行。而服薄糕而赤色。稱之重食之。致香以息。使人肌澤。且有功。

先時者。附動蚰蛆而多病。後時者。弱苗而穗蒼狼。薄色而美芒。又云。孟夏之昔。殺三葉而穫大麥。注。昔。終也。三葉。薺。芴。葶。薺。芴也。又稀首生而麥無葉而從事於蓄藏。漢書董仲舒說上曰。春秋他穀不書。至於麥。禾不成則書之。以此見聖人於五穀最重宿麥。管子。夏至而麥熟。天子祀天宗。其盛以麥。穀之始也。蔡邕。月令章句。麥以秋種。故謂之首種。百穀各以其初生爲春。熟爲秋。故麥以孟夏爲秋。廣雅。大麥。麩也。小麥。麩也。汜勝之書。凡田六道。種麥爲首。子欲富。黃金覆。謂曳柴壅麥根也。夏至後七十日。寒地可種宿麥。又云。麥早種穗強而有節。晚種穗小而少實。陶隱居云。麥有大小。穰穰卽宿麥。亦謂種麥。本草圖經。麥有大麥。小麥。穰麥。蕎麥。穰麥有二種。一種類小麥。一種類大麥。博物志。啖麥令人多力。廣志。穰麥似大麥。出涼州。旋麥三月種。八月熟。出西方。赤麥小而肥。出鄭縣。有半夏小麥。有秀芒大麥。有黑穰麥。史記。箕子過殷墟。作麥秀之詩。其詩曰。麥秀漸漸兮。禾黍油油。穀譜。麥爲五穀之貴。秋種夏熟。具四時之氣。亦可春種。至夏便收。然不及秋種者。性有北南之異。北地燥。多多雪。春少雨。麥晝花。薄皮多麵。食之宜人。南方旱溼。冬無雪。春多雨。麥受旱溼之氣。又夜花。食之生熱難消。魚稻宜江淮。羊麵宜河洛。亦地氣使然。他如燕麥。蕭麥。雀麥。皆殊形異性矣。又南方四月尙有餘寒。土人謂之麥秀。寒雨謂之麥雨。又徐陵集。有麥冷之語。雅翼。麥者按絕續乏之穀。夏之時舊穀已絕。新穀未登。民於此時乏食。而麥最先熟。故以爲重。比他穀獨隔歲種。故號宿麥。亦或以爲首種。秋種冬長。春秀夏實。備有四時之氣。而說文以麥爲金者。特以其金玉而生。遇火而死。鄭注月令。則云麥實有孚。甲屬木。黍秀舒散屬火。麻實有文理。屬金。菽實孚。甲堅合。屬水。

稷五穀之長屬土。此據明堂月令四時與中央所食爲說。古者朝事之豆有饔。饔先儒以饔爲熬麥。左傳夏四月鄭祭足帥師取溫之麥。又晉侯夢大厲公覺召桑田巫。巫曰不食新矣。六月晉侯欲麥。召巫至殺之。將食。張如廁陷而卒。家語宓子賤爲單父宰。齊人攻魯。道由單父。父老請曰。麥已熟矣。齊寇且至。請放民皆使出穫麥。可以益糧。且不資寇。三請而宓子不聽。俄而齊寇逮乎麥。季孫聞之怒。宓子曰。今茲無麥。明年可樹。若使不耕得穫。是使民樂有寇也。且單父得一歲之麥。於魯不加強。喪之不加弱。使民有自取之心。其勑必數世不息。季孫聞之赧然曰。地若可入。吾豈忍見宓子哉。類篇稻下種麥曰穞。楚詞稻粢穞麥。左思南都賦夏穞冬稌。一作穞。或曰。麥之先熟者。名物疏。麥同乎陽者也。至子而苗。至午而成。陽多則浮。陰多則沉。陰陽不相勝。然後能善養人者。故麥可以爲美。而不可爲加膳也。正字通云。燕麥。野麥也。草似麥。亦曰雀麥。爾雅。薈。雀麥。郭注。似葵葉小。狀如藜。有毛。楊慎不察。引范仲淹所進烏味草當之。不知烏味乃蕨也。食物本草。收麥以蠶沙和之。不蠹。又秋前莖蒼耳貯之。亦同。

言采其蠹

朱傳。蟲。貝母也。主療鬱結之疾。爾雅。苗。貝母。郭云。根如小貝。員而白華。葉似韭。陸疏。蟲。今藥草貝母也。其葉似栝樓。而細。小子在根下。正白。四方連累相著。有分解也。疏云。藥草貝母一名苗。今常用之。出近道。形似聚貝。一名空心草。一名藥實。一名苦花。一名商草。一名勤母。本草圖經。根有瓣。子黃白色。如聚貝子。故名。貝母二月生。莖細青色。葉亦青。似薔麥。葉隨苗出。七月開花。碧綠色。形如鼓子花。八月採根曬乾。又云。

四月蒜熟時採之良。此有數種。陸疏云云。今近道出者正類此。如郭注者罕復見之。日華子云消痰潤心肺。別說能散心胸鬱結之氣。殊有功。

綠竹猗猗

朱傳。淇上多竹。漢世猶然。所謂淇園之竹是也。猗猗始生柔弱而美盛也。漢志武帝塞瓠子。伐淇園之竹以爲楫。又寇恂傳。伐淇園之竹爲矢百餘萬。竹譜。淇園衛地。殷紂竹箭園也。見班彪志。淮南子。烏號之弓。貫淇衛之箭。毛詩綠竹猗猗是也。又云。植物之中有物曰竹。不剛不柔。非草非木。或茂沙水。或挺崑陸。又云。竹之別類六十有一。又云。竹六十年一易根。輒結實而枯死。其實落地復生。六年遂成町。稽聖賦曰。竹布實而根枯。蕉舒花而根槁是也。五月十三日。謂之竹醉日。栽竹多茂盛。其性惡寒好溫。故曰九河鮮育。五嶺實繁。周禮。大司樂孤竹之管。注。特生者。又孫竹之管。注。根枝未生者。又陰竹之管。注。生於北山者。呂氏春秋。黃帝令伶倫。自夏之西阮隴山之陰。取嶰谷之竹。斷兩節間。長六寸九分。吹爲黃鐘之宮。律之本也。孝經河圖。少室之山。大竹堪爲釜甑。山海經。衛丘山。帝俊竹林在焉。大可爲舟。郭璞注。俊舜字假借音。博物志。洞庭山。帝二女以涕揮竹。竹盡斑。今下雋有斑皮竹。易。震爲蒼筤竹。尚書。震東方。故爲蒼筤竹。蒼筤。幼竹也。揚州篠簜。旣敷。注。水去布生也。荊州厥貢篋簞。揚州厥貢篠簜。孔安國曰。篠。竹箭。簞。大竹。篋。簞。美竹。出雲夢之澤。禮記。禮之於人。如松柏之有心。竹箭之有筠。故貫四時而不改柯易葉。爾雅。簞。竹。筴。數節。桃枝四寸有節。粼。堅中。籩。筴中。仲無筴。箴。箭萌。又東南之美者。有會稽之竹箭焉。說文。竹。冬生草也。象

形凡竹之屬皆從竹家語。南山之竹不搏，自直斬而爲箭。射達犀革，齊民要術竹性愛向西南引，故園東北角種之。數歲之後，自當滿園。其居東北角者，老竹種不生，亦不能滋茂。故須取西南引少根也。語曰：西家種竹，東家治地。言其滋引來生。花木考：竹之滋澤，春發於枝葉，夏藏於榦，冬歸於根。竹譜：舊傳種竹多用辰日。山谷詩：竹須辰日斫，笋看上番成是也。又用臘日。杜陵東軒竹影薄，臘月更須栽是也。然晏元獻詩：如能樂封殖，何必醉中移。諺云：栽竹無時，雨過便移。多留宿土。記取南枝。試之良驗。則固不必盡拘矣。仇池黑記云：竹有雌雄，自根而上至生梢，一節發者爲雄，二節發者爲雌。雌者多笋，故種竹須種笋也。埤雅：竹物之有筋節者，故蒼史製字，筋節皆以竹。傳曰：淇衛籟籥，又淇園竹。疊見漢史。蓋土地所宜，故風人以美武公之德也。竹之初生，其色綠，長則綠轉而青矣。其卒章曰：如簧言盛也，是故大備國語及其沒也。謂之睿聖。武公至是，武公其殆聖矣乎。爾雅：竹箭曰苞，松柏曰茂，苞言其本，茂言其末。竹性叢生，行鞭深遠。故考室之首章曰：如竹苞矣。如松茂矣。爾雅：蕩竹，孫炎以爲闕節。按儀禮：蕩在建鼓之間。蓋簫屬。禮斬衰杖竹。齊衰杖桐。竹圓效天，桐方法地也。檀弓曰：竹不成用，瓦不成味，木不成斲。荀子曰：木器不成斲，陶器不成物，薄器不成內。變味言物，變用言內。其義一也。按竹從倒草，與草木別一類。爾雅釋蕩：筴附草屬。篇蓄雖有竹名，與竹箭之竹異種。詩：衛風：綠竹。朱傳指今竹言。淮南子及漢書皆以爲淇園之竹。其說甚明。自酈道元水經注云：淇園無竹，惟王芻菹草。爾雅：菹，郭注似小藜。孫炎引詩作菹竹。說文：菹，王芻引詩亦作菹。韓詩作綠薄。陸德明云：菹竹也。後遂誤以菹爲王芻。以竹爲菹，說陸璣又誤以菹竹爲草名。當從

朱傳爲正。

齒如瓠犀

朱傳。瓠犀。瓠中之子。方正潔白。而比次整齊也。爾雅。瓠犀。瓣。疏。瓣。瓠中瓣也。一名瓠棲。人之齒美者似之。衛風云。齒如瓠棲是也。今詩文作犀。相法。齒瓣白如瓠犀。青如榴子者。貴。故詩主之。埤雅。瓠狀要類於首。尾類於要。微銳。緣蔓而生。甘瓠纍之。以貴下賤之況也。幡幡瓠葉。以質明敬之義也。菜無微於瓠葉。肉無薄於兔首。古人不以微薄廢禮如此。風俗通。八月秋穰。可以殺瓠。取其色澤而堅。今俗畜瓠之家。不燒穰。種瓜之家。不焚漆。物類相感。志云。牛踏蔓上則苦。以瓠盛酒。冬卽煖。夏卽冷。雅翼。瓠。匏之甘者。古者王政。瓜瓠果蔬。殖於疆場。正月可種瓠。六月可畜瓠作菹。詩云。斷壺。瓠中白膚。所謂張蒼肥白如瓠者。可以飼豕致肥。其瓣可以作燭。致明。其葉又可爲菜。詩所謂幡幡瓠葉也。與匏以小大長短甘苦爲閒。然古今亦通言。惠子稱魏王貽我大瓠之種。樹之成而實五石。以盛水漿。其堅不能自舉也。剖之爲瓢。瓠落無所容。蔬譜。一名扁蒲。就地蔓生。葉花俱如葫蘆。結子長一二尺。夏熟。有短者粗如人肘。中有瓢兩頭相似。味淡可煮食。苦者有毒。陶弘景曰。瓠或有苦者。味如膽。不可食。非別生一種也。

詩傳名物集覽卷八

草

葭揭

朱傳。葭，亂也。亦謂之荻。爾雅：兼、蘼、葭、亂。其萌蘗。又云：葭，騅也。注：葭草色如騅。在青白之間。廣雅：蘼、葭也。說文：兼，萑之未秀者。萑之初生，一曰亂，一曰騅。亂，葭也。夏小正：萑未秀爲葭。葭未秀爲蘼。爾雅疏：葭一名蘼。葭一名亂。李巡曰：分別葦類之異名。郭云：蘼，葦也。葭似葦而小。實中。江東呼爲烏蘼。如李巡云：蘼亂共一草。如郭云：則蘼亂別草。按詩：大車傳：葭，騅也。蘼之初生，則毛意以葭、葭爲一草。衛風：碩人云：葭、葭揭。陸璣疏云：則蘼亂別草也。埤雅：荻之初生爲葭。兼其未秀者也。詩曰：葭、葭揭。又曰：蘼衣如葭。說文曰：蘼，離帛也。引此：蘼衣如葭。蓋其青如葭。故謂之葭。一曰：葭玄色。傳曰：葭，騅也。蘼之初生，蘼黑也。騅在青黑間。按郭璞以爲兼似萑而細。又曰：似葦而小。實中爲葭。則葭又蘼之一種也。蓋兼、萑之小者。葭、葦之小者。淮南子：荻苗類絮。晉童謠：官家養蘼化荻。蘼謂蘼循也。荻猶敵也。言養虎遺患也。宋武帝詔少府：前歲所封諸州蘼、荻，可開以利民。晉郭璞奏曰：不宜禁荻。謂名山大川不以封。欲與民通財共利也。孔平仲談苑曰：江東蘼賤而荻貴。退灘之地，先一年生者蘼也。明年生者荻也。字說：蘼謂之葭。其小曰葦。其始生曰葭。又謂之亂。荻彊而葭弱。荻高而葭下。故謂之荻。葭中赤，始生末黑，黑已而赤。故謂之

葵其根旁行牽揉盤互其行無辨矣而又彊焉故謂之亂亂之始生常以無辨惟其彊也乃能爲亂按戴氏曰葵亂萑荻兼一物五名今人特謂之荻莖短小而實末曲如鉤類馬鞭節其葉狹長色重於蘆有白脊其花先紫後白如散絲今人以爲簾箔者是也孔氏曰初生爲葭長爲蘆成爲葦一物三名今人特謂之蘆幹大而中虛葉闊而色淺其花褐色穗如狐尾今人以覆屋織壁編蓆作筆管箱筥絞繩皆蘆也孫炎郭璞以蘆亂爲二李巡樊光以蘆爲一夏小正埤雅及綱目本草丹鉛錄皆紛紛牽引名愈多而實愈混矣

芄蘭之支

朱傳芄蘭草一名蘿摩蔓生斷之有白汁可啖支枝同爾雅藿芄蘭邢氏云藿一名芄蘭郭云蔓生斷之有白汁可啖陸疏一名蘿摩菜幽州人謂之雀瓢蔓生葉青綠色而厚摘之白汁出食之甜脆響爲茹滑美其子長數寸似瓠子毛傳性柔弱阿儺箋云芄蘭柔弱恆蔓延於地有所依緣孔疏藿所以名蘭者以叢生水中似蘭而莖圓故字從芄又呼之以蘭也質輕善汎故取以爲幼弱不能自立之比沈括云芄蘭之支支莢也芄蘭生莢支出於葉間垂之如鱗狀其葉如佩鞞之狀支石經作枝說文木別生條也本草蘿摩似女青蘇恭曰大如棗一說蘿摩卽羊婆奶白環藤與莞異六書故曰萑與莞皆澤草爾雅誤以藿爲芄說文遂以芄爲莞按此說最確藿無蘭名芄蘭非藿屬也

一葦杭之

朱傳葦兼葭之屬。埤雅葦卽今之蘆。其管中籥。詳見召南葭。

焉得諛草

朱傳諛忘也。諛草合歡。食之令人忘憂者。說文。蕙令人忘憂草也。又作蕙及萱。鄭注。萱兒女花也。本草注。一名鹿葱。花名宜男。婦人懷胎佩其花生男。味甘。令人好歡樂忘憂。圖經。萱味甘無毒。主安五臟。利心志。五月採花。八月採根用。今人多採其嫩苗及花跗作菹。云利智膈。古今注。欲忘人之憂。則贈以丹棘。一名忘憂。欲蠲人之忿。贈以青裳。一名合歡。其樹枝葉繁弱。互相交加。每風來輒自相解。不相牽綴。青裳一作青堂。博物志。農經曰。中藥養性。謂合歡萱草。風土記。宜男。妊婦佩之必生男。嵇含宜男序。可以薦俎。世人多女求男。服之尤良。述異記。萱草一名紫萱。吳中書生呼療愁花。雅翼。此草有名鹿葱。食之味有葱氣。安元獻謂鹿葱花中有鹿斑文。與萱大同小異。開花亦不並時。束皙發蒙記。甘草令人不惑。萱草可以忘憂。徐勉萱賦。信茲華之獨茂。挺金質於炎辰。旣耀色以祛疴。亦含香而可珍。其葉四垂。其跗六出。亦曰宜男。嘉名斯吉。王朗與魏太子書。雖復萱草忘憂。皋蘇釋勞。無以過也。曹植宜男頌。草號宜男。旣曄且貞。厥貞伊何。惟乾之嘉。其曄伊何。綠葉丹花。壺子云。鹿性警烈。多別良草。常食九物。鹿葱其一也。餌藥之人。不可食鹿。以鹿多食解毒之草。能制散諸藥。凶則辨鹿之不可食者。一曰鹿胃。以其尤受食之府也。九草者。葛花葉。鹿葱。鹿藥。白蒿。水芹。甘草。齊頭蒿。山蒼耳。薺芘。是也。花譜。萱通作諛。諛。菱。菱。本作蕙。苞生。莖無附枝。繁萼攢連。葉四垂。花初發如黃鵠嘴。開則六出。有春花。夏花。秋花。花色有黃白紅紫。麝香。重葉。單葉。數種。

苗花跗皆可食。性冷能下氣。味勝黃花菜。蓋彼山萱也。鹿葱似萱無香。各自一種。萱綠葉尖長。鹿葱葉團而翠。萱花葉俱茂。鹿葱葉枯而後花。萱一莖實心。鹿葱一莖虛心。而花並開於頂。萱六瓣。鹿葱七八瓣。本草謂萱卽今之鹿葱。誤矣。又萱亦與黃花菜相似。而味勝彼山萱也。今人多譌爲一物。又萱有三種。單瓣者可食。千葉者食之殺人。按古今注。合歡樹似梧桐。與萱全別。又博物志。合驩蠲忿。萱草忘憂。所謂中藥。養性也。明是二物。或疑朱傳。諼草合歡之誤。不知朱子因諼草連引合歡。作一句讀。非以合歡解諼草也。玩本文語氣自見。

彼黍離離

朱傳。黍。穀名。苗似蘆。高丈餘。穗黑色。實圓重。說文。禾屬而黏者也。大暑而種。暑盡而穫。故謂之黍。孔子曰。黍可爲酒。禾入水也。箕子曰。麥秀漸漸兮。禾黍油油。亦與黍離之詩同意。六書精蘊。黍禾下從余。象細粒散垂之形。爾雅。衆秫。疏。衆一名秫。謂黏粟也。與穀相似。北人用之釀酒。其莖稈似禾而麤大。又秬。黑黍。一稈二米。所以釀鬯。本草。黍米味甘溫無毒。主益氣補中。陶隱居云。其苗如蘆而異於粟。粒亦大於粟而多於秫。今人呼秫粟爲黍。非也。北人作黍飯。方藥釀黍米酒。則皆用秫也。唐本注。黍有數種。亦不似蘆。似粟而非粟。圖經云。有二種米。粘者爲秫。可以釀酒。不粘者爲黍。可食。如稻之有粳糯。夏小正。五月初昏。大火中。大火者。心星也。心中種黍。菽糜時也。周書。凡禾黍居南方。月令。仲夏農乃登黍。是月也。天子乃以雛嘗黍。疏云。仲夏黍新熟。今蟬鳴黍是也。又云。孟秋農乃登穀。注。黍稷之屬。於是始熟。曲禮云。黍曰薊。合內則

云羊宜黍。豕宜稷。淮南子。渭水多力宜黍。管仲曰。古之封禪。部上之黍。所以爲盛。廣志。有燕頷黍。驢皮黍。牛黍。南尾黍。成赤黍。馬革大黑黍。秬黍。温毛黃黍。白黍。物理論。梁者。黍稷之總名。有具梁。解梁。遼東赤梁。白梁。襄陽竹根者最佳。黃梁。出青冀。又蜀黍。一名高梁。一名蜀秬。一名蘆稭。一名木稷。穗大如帚。粒大如椒。紅黑色。性堅實。亦有粘糯二種。古今注。稻之粘者爲秬。禾之粘者爲黍。亦謂之稭。亦曰黃黍。春秋說題辭。精移火轉生黍者。緒也。故其立字。禾入水爲黍。酒以防老家語。哀公欲以黍雪桃。孔子對曰。夫黍者。五穀之長。祭先王以爲上盛。果有六桃爲下。丘聞之。君子以賤雪貴。不以貴雪賤。王制。庶人春薦韭。夏薦麥。秋薦黍。冬薦稻。以其所居賤。順時而已。呂氏春秋。飯之美者。南海之秬。又得時之黍。芒莖而微。下穗芒以長。博米而薄糠。舂之易而食之不噉而香。如此者不飴。先時者大本而華。莖殺而不遂。葉藁短穗。後時者小莖而麻長。短穗而厚糠。小米鉗而不香。汜勝之書。黍者。暑也。種必待暑。先夏至二十日。此時有雨。暄土可種黍。黍欲疏於禾。白虎通。清明風至。則黍稷滋。闔闔風至。則種宿麥。黍。左思魏都賦。雍丘之命。崔駰七依。玄山之梁。穀譜。黍屬火。南方之穀。性温。益氣補中。久食令人熱。雅翼。黍之秀特舒散。故說者以其象火。爲南方之穀。大體似稷。故古人并言黍稷。有赤黍。白黍。其類有黏不黏。黏者別名秬。月令。造酒命大酋。秬稻必齊。蓋以此秬與稻之糯爲酒。北人謂秬爲黃米。亦謂之黃糯。釀酒比糯稻差劣。本草注。黍有數種。又有丹黑。黑黍謂之秬。丹黍皮赤米黃。梁寅云。或黏或不黏。或高而實黑。或低而實黃。皆謂之黍。名物解。黍。丹穀也。仲夏乃登。氣浮而味甘。聲香而滑。故宜釀神。陽物也。非有馨香上達之氣。不足以降之。故用爲

酒禮。凡言黍稷者。皆有翼祖考懷祭祀。念父母之意。齊民要術。夏種黍稷。與殖穀同時。非夏者。大率以葑赤爲候。諺云。甚離離。種黍時。下種以樹介日爲宜。樹介者。疑霜封著木條也。十月樹介宜早黍。十一月樹介宜中黍。十二月樹介宜晚黍。許東陽云。黍似梁稷。今之稷也。二物相類。但黍黃稷黑。黍大稷小耳。朱子解二物似差互。蓋古之梁。卽今之粟。古之粟。卽今之穀。穀。粟實之總名。今以傳文兩易之曰。黍。穀名。似稷而小。穗黃色。稷亦穀名。一名稷。苗似蘆。高丈餘。穗黑色。實圓。或曰粟也。恐得其實。

彼稷之苗

朱傳。稷亦穀也。一名稷。似黍而小。或曰粟也。爾雅。黍稷。注。今江東人呼粟爲黍。左傳。黍食不斃。注。黍稷曰黍。月令。孟春行冬令。首種不入。注。稷歲初先種。孟夏先熟。故云。首種不入。謂極寒種不入土也。稷有黃白紫黑。北人呼烏禾。不甚珍。惟祠專用之。玉藻云。子卯稷食而菜羹。又云。沐稷而醑梁。祭法。厲山氏之有天下。其子曰農。能殖百穀。夏之衰也。周弃繼之。故祀以爲稷。本草。稷米味甘無毒。主益氣補不足。圖經。稷貴爲五穀之長。尊屬大社之神。莖葉似梁。而庠穗散如稻。粒如梁。而扁大。稗外瑩滑。米正黃。呂氏春秋。飯之美者。有陽山之稷。高誘云。關西謂之麩。冀州謂之麩。皆一物也。廣雅云。如黍黑色。考靈耀云。日中星鳥。可以種稷。戴氏曰。爾雅云。黍稷。說文云。稷。齊也。齊。稷也。稷。麩也。麩。稷也。不知稷稷同聲。實一字。說文本之爾雅。爾雅本之禮記。記云。稷曰明。黍。祭祀之米。黍稷稻粱。通謂黍盛。而各爲之嘉號。故稷曰明。黍。梁曰薌。其謂稷爲黍。亦可謂梁爲其乎。固哉。爾雅之說也。名物解。稷。祭也。所以祭。故謂之稷。杜預言。黍稷曰。黍。降食。

以爲酒貴食次之故。際者梁也。所以祭明尊矣。故五穀之官而稷官名之。季夏之月中央土。天子食稷與牛。蓋五行土爲尊。故稷爲長也。名物疏。稷有四名。曰稷。曰粢。曰糜。曰鑿。爾雅注。稷。粟也。郭璞云。今江東人呼粟爲粢。二說非是。本草。粟米在中部。味鹹。稷米在下部。味甘。其治療亦全別。穀譜。稷苗似蘆莖。高三四尺。有毛。結子成枝而疏散。外有薄殼。粒如粟而光滑。色紅黃。米似粟而稍大。色黃鮮。七月孰。孰便刈。少遲。遇風卽落。益氣安中。解暑屬土。脾之穀也。筆談曰。齊晉人呼積爲祭。蓋其土音也。本草又名糜子。大雅。秬。秠。糜。芑。皆黍屬。以色列之丹黍曰糜。月令章句云。稷秋種夏熟。歷四時。備陰陽。非也。蓋歲初先種。孟夏先熟。鄧潛谷曰。陶隱居生江南。不識稷爲何米。穀稼尙不能辨。况芝英乎。稷本與粟通。尸謬言肅也。詩旣齊旣稷。亦肅意。蓋秋氣也。穀秋成曰稷。百穀皆秋成。故粟又爲總名。

苗說文。草生於田者。從草從田。管子。神農播穀。因苗以爲教。詩緝。穀始生曰苗。草之類始生亦曰苗。公羊注。苗者禾也。生曰苗。秀曰禾。淮南子。治國若耘田。去其害苗者而已。呂氏春秋。苗其弱也。欲孤。長也。欲相與居。其熟也。欲相與扶。是故三以爲族。乃多粟。詩疏云。稷苗六月時也。稷穗七月時也。稷實八月時也。六書故。禾稗曰苗。草在田中。苗之義也。按苗卽今之禾秧。其分種未吐華曰稗。禾亦在田中。豈可專指苗義乎。尙書大傳。成王時。有苗異莖。同生爲一穗。周公曰。三苗一穗。天下其和爲一乎。又夏獵曰苗。爲苗除害也。支周禮。大司馬仲夏教芟舍遂苗。

彼稷之穗

朱傳。穗秀也。稷穗下垂。如心之醉。故以起興。說文。禾成秀也。春秋說題辭。嘉禾之滋。連莖三十五穗。以成盛德。按說文。采音遂。從爪從禾。人所以收也。或從惠作穗。古兩穗爲瑞。改禾從木非。

中谷有菀

朱傳。菀。離也。葉似萑。方莖白華。華生節閒。卽今益母草也。爾雅。萑菀莞蔚。疏。李巡曰。臭穢草也。郭云。今菀蔚也。廣雅。名益母。葉似萑。方莖白華。華生節閒。毛傳。菀。離也。陸疏。舊說及魏博士濟陰周元明。皆云菀。菀是也。韓詩及三倉說。悉云益母。故曾子見益母而感。本草云。益母。菀蔚也。故劉歆曰。菀。臭穢。臭穢卽菀蔚也。埤雅。菀蔚一名蔚。臭。一名菀。旱乾曰曠。菀者能曠之草。今日曠其乾矣。則非一日之亢也。本草經。菀蔚子一名益母。一名益明。一名大札。一名貞蔚。生海濱池澤。陶隱居云。葉如萑。方莖。子形細長。三棱。圖經云。苗葉上節節生花。實似雞冠子。黑色。衍義云。菀蔚子。葉至初春。亦可煮作菜食。凌冬不凋。悴。陳藏器云。此草一名負擔子。一名夏枯草。三月採。治產婦疾。神妙。故曰益母。許東陽云。離萑並音佳。萑又名菀。毛氏以離代菀。故朱傳從之。云葉似萑。考爾雅注及詩疏。皆作葉似萑。傳中萑字誤。蓋離卽萑。不可謂之似也。萑者白蘇紫蘇之類。與此迥別。朱震亨曰。臭鬱草卽菀蔚。有臭味。夏枯草不臭。夏枯先枯而無子。鬱臭後枯而有子。陳無功曰。夏枯亦有細子四粒。丹溪云。無子誤。拾遺有鑿菜。方莖。對節白花。卽益母草。白花者。爾雅曰。菀。紫花者。爾雅曰。蕒。名物疏。毛傳云。菀。離其大車。亦傳云。菀。離。考本草諸書。菀蔚子並無離名。豈毛以菀爲蕒乎。毛又云。陸草生谷中。傷于水。據本草。菀蔚正生海濱池澤。非陸草也。魏博士等以爲菀。蕒本

草菴蘭生雍州川谷及上黨道邊春生苗葉如艾蒿高三二尺七月開花八月結實亦無菴名不知古人何以云爾廣要菴離菴蘭異種各名毛傳之誤爾雅荏字誤之也朱傳引用毛公亦云離也又曰葉似菴則不惟傳譌且兩歧矣夏枯草一名鬱臭因入夏卽枯故名別是一種經中所不載陳藏器及外臺秘要混以爲菴不知菴草夏間始著花何云枯耶但花有白紫二種陳以白者爲是孫思邈以紫花者是李時珍云二色皆是白者主氣紫者主血如牡丹芍藥之類耳菴字據說文從草從佳朱惟切草屬卽此爾雅菴菴也從草上加升者卽八月菴葦之菴也從艸從佳者胡官切鷓屬也首旣不同因有三音今從俗混作一字矣按茺蔚節節生穗四五月花萼內有三稜子四粒卽益母草也神農本經夏枯草一名夕句一名乃東別錄名燕面一名鐵色迥然二物也或言益母亦有夏枯之名于義無取其爲傳會之說無疑彼采蕭兮

朱傳蕭荻也白葉莖麤科生有香氣祭則燭以報氣故采之爾雅蕭荻陸疏今所謂荻蒿者是也或云牛尾蒿似白蒿白葉莖麤科生多者數十莖可作燭有香氣故祭祀以脂蒸之爲香許慎以爲艾蒿非也禮王度記曰士蕭庶人艾蕭艾不同明矣周禮甸師祭祀共蕭茅注先鄭以爲蕭或用茜但以縮茅解之杜子春始讀爲蕭郊特牲旣奠然後爇蕭合馨香以報氣也加以鬱鬯以報魄也雅翼蕭生於春待秋三月乃成詩緝蒿者總名蕭者蒿之香者也埤雅蕭可以祭故其字從肅秋風過肅意象蕭然故蕭一名荻詩曰取蕭祭脂凡祭灌鬯求諸陰燭蕭求諸陽奏樂求諸陰陽之間禮曰聲音之道所以詔告於天地之間

也。又曰。見以蕭光。以報氣也。加以鬱鬯。以報魄也。凡祭言鬯。常先於蕭。今祭言鬯。更在蕭後。則以言商禮故也。蓋周人先求諸陰。故先灌鬯。商人先求諸陽。故先燂蕭。且周祭肺。商祭肝。故祭義言商禮。先舉肝。所謂羞肝肺首心是也。郊特牲言周禮。先舉肺。所謂祭肺肝心是也。詩曰。列彼下泉。浸彼苞蕭。民者上之所恃。以事宗廟社稷。蕭之象也。又曰。蓼彼蕭斯。蕭微物也。而其香能上達。故詩以况四海之諸侯。論語。蕭牆注。蕭也。諸侯見羣臣於此。加肅敬也。禮明堂位疏。屏天子之廟飾。卽蕭牆也。禮記疏。一祭之中。再度燂蕭。郊特牲云。取腍腎燂燎升首。報陽也。祭義云。建設朝事。燂燎羶薌。見以蕭光。以報氣也。此朝踐燂蕭也。郊特牲又云。蕭合黍稷。旣奠然後燂蕭。合羶薌。此饋熟燂蕭也。朝踐卽朝事。謂薦血腥時也。饋熟則薦黍稷時也。

彼采艾兮

朱傳艾蒿屬。乾之可灸。故采之。爾雅。艾冰臺。疏。今艾蒿也。本草經。艾葉味苦。微溫無毒。主灸百病。一名冰臺。一名醫草。生田野。圖經云。初春布地生苗。莖類蒿而葉皆白。以苗短者爲佳。治令細軟。謂之熟艾。陳久方可用。崔實四民月令。三月可採艾。師曠占。歲欲疫。病草先生。病草艾也。廣雅。天子祭以鬯。諸侯以薰。卿大夫以苾蘭。士以蕭。庶人以艾。埤雅。說文云。艾從艾。草之可以艾病者。曲禮曰。五十曰艾。服官政。六十曰耆。艾歷也。耆至也。謂其德十年一進。至此可爲大夫矣。故曰。服官政。博物志曰。削冰圓舉以向火。承其影。則得火。故曰冰臺。舊說燕蓐惡艾。字說。艾可艾疾。久而彌善。故爾雅云。艾長也。艾歷也。醫用艾灸。一灼謂

之一壯者。以壯人爲法。其言若干。謂壯人當依此數。老幼羸弱量減之。藥譜。艾舊以湯陰複道者爲佳。謂北艾。四明者謂之海艾。近世推蘄州爲勝。相傳蘄州白家山產者。置寸板上灸之。氣徹于背。他山艾徹五餘僅三分而已。博物志。積艾三年。燒津液下流成鉛錫。容齋隨筆。碾艾著茯苓三五片。卽成細末。又千年艾出武當太和山。高尺許。花如小菊。葉不似艾而氣味同。揉之卽細。通雅。艾蒿類。葉按之成絨者是。其背有白毛者。九牛草也。陳嘉謨以九牛草爲蘄艾。或別有所見邪。

丘中有麻

朱傳。麻。穀名。子可食。皮可績爲布者。爾雅。泉麻。饜泉實。苧麻母。疏。苧苴麻子之盛子者也。周禮注。泉是雄麻。苴是麻之有蕒質者。風俗通。蓬生麻中。不扶自直。淮南子。汾水濁宜麻。本草圖經。麻饜麻子。田圃所蒔。績其皮以爲布者。麻饜一名麻勃。麻上花勃勃者。七月七日採麻子。九月採陶隱居以麻饜爲牡麻。牡麻則無實。蘇恭以爲蕒卽實。非花也。按本經。朱字云。麻饜味辛。麻子味甘。此又似二物。疑本章與爾雅禮記稱謂不同耳。養生要集。麻子味甘。補中益氣服之令人肥健。雅翼。麻之屬總名麻。別而言之。則有實者名苴。無實者名泉。子夏喪服傳曰。苴經者。麻之有蕒者也。牡麻者。泉麻也。蕒卽實也。牡卽無實之名。然亦通名。麻泉。麻實有文理。故鬪金爲西方之穀。明堂月令。秋食麻與犬。古者朝事之籩。熬麻麥以實之。謂之糶。蕒於植物中最多子。又有繇者。亦麻類。有實。又胡麻亦有實。本生大宛。一名油麻。淳黑者名巨勝。亦曰一葉兩莢爲巨勝。抱朴子。胡麻一名方莖。服之不老耐風溼。其葉名青蕒。泉麻與麥互相爲候。麥黃種麻。麻

黃種麥。種泉太早。則堅剛厚皮多節。晚則皮不堅。寧失於早。不失於晚。麻譜云。苧績麻也。有二種。一種紫麻。一種白苧。春秋說題辭。麻之爲言微也。陰順口密。女作織微也。麻生於夏。夏衣物成禮儀。故麻可以爲衣。陽成於三物以化。故三變縷布也。宋均曰。麻枝葉成謂之衣。三變生。成形一變也。漚取皮二變也。績成爲縷三變也。月令。仲冬之月。天子乃以犬嘗麻。先薦寢廟。蓋麻爲西方之穀。屬金。艮爲狗。亦屬土。取土金相生之義也。周禮。典泉掌布。總縷紵之麻草之物。以待時頒功而授齋。及獻功受苦功。以其賈揭而藏之。以待時頒。疏云。苦功謂麻功。謂監蠹之功。呂覽。得時之麻。必芒以長。疏節而色陽。小本而莖堅。厚泉以均。後熟多榮。日夜分復生。如此者不蝗。管子。五沃之土。其陽則安。樹之五麻。若高若下。不擇疇所。其麻大者。如箭如葦。大長以美。其細者如藿如蒸。大者不類。小者則治。揣而藏之。若衆練絲。地道記云。北地高涼宜麻。四時纂要。種麻熟耕地。從橫七遍已。上生則無葉。四民月令。二月三月可種苴茶。凡種麻之地。耕不厭熟。田欲歲易。布葉而鋤。勃如灰。卽刈。萊欲小。稇欲薄。穫欲淨。漚欲清。水生熟合宜。拾遺記。紫沈麻其實不沈。有雲水麻。實光宜爲油澤。有光通麻。食之行不待燭。則巨勝也。食之延壽。名物解。麻穀之良也。實曰苴。七月之詩。言九月菽苴。采荼薪樗。先王所以致食勞農之意也。五穀之養人。以浮虛爲下。沈實爲上。胡麻食之沈實者也。故良通雅筆談云。古止有火麻。油麻種得自張騫。故曰胡麻。按九穀八穀五穀皆有麻。古人饘蕡熬菹實。豈食火麻耶。且火麻子甚不可食。意其時早已有之。而騫所得者。乃六棱八棱之屬耳。爾雅翼曰。巨勝。胡麻之黑者。宋嘉祐本草。有黑白油麻二條。沈存中亦曰。八棱六棱者爲胡麻。是中國當本。

有白色四棱者耳。古人言臬卽麻。又曰臬實曰食麻。若據今綱目則臬爲雄麻。安可食邪。杜寶曰隋大業四年改胡麻爲交麻。其曰繇麻。噴麻也。一作菑。但可爲繩耳。爾雅蒹芋莢。注未詳。疑是芋繇之訛。

隰有荷華

朱傳荷華芙渠也。說文荷芙渠葉茄。芙渠莖芙蓉華。未發爲菡萏。已發爲芙蕖。爾雅荷芙渠其莖茄其葉。邈其本密其華菡萏其實蓮。其中的中薏李巡曰分別蓮莖華葉實之名。芙渠其總名也。別名芙蓉。廣雅江東呼荷爲芙蓉。郭璞曰密莖下白菝在泥中者蓮謂房也管子五沃之土生蓮。陸疏蓮青皮裏白子爲的。的中有青長三分如鉤爲薏。語曰苦如薏也。的五月中生。生啖脆。至秋表皮黑的成可食。或磨以爲飯。輕身益氣。令人強健。援神契王者德至於地則華萃感。注云華萃並頭蓮也。周書藪澤已竭卽蓮掘藕。古今注荷華華之最秀異者。一名水旦。一名水芝。一名澤芝。一名水仙。花有赤白紅紫青黃紅白二色。差多大者至百葉。王荊公云蓮花有色有香。得日光乃開。雖生于水水不能沒。雖在汙泥泥不能汙。卽華時有實。然華事始則實隱。華事已則實見。埤雅荷總名也。其的中有青爲薏。皆倒生兩牙。一成菱荷。一滿荷也。又生一牙爲華蒲。荷帖水生藕者也。菱荷無蒲。卷荷也。與華偶生。出水上亭亭如繖者。亦或謂之距荷。蒲荷一本。其旁行爲蕩。節生一華一葉。菡萏實若白。隨昏曉闔闢焉。凡物皆先華後實。獨此華果齊生。拾遺記曰昆流素蓮。一房百子。凌冬而茂。言其受氣之特異也。蓮之根曰藕。偶生善耕泥。引長故從偶。俗云藕生應月月生一節。閏輒益一。今芋有十二子爲衛。相傳爲應月之數。赤箭亦有十二根爲衛。有風不動。

無風自搖亦其類也。趙辟公雜記。藕能移。鯉能飛。龜能守。其性使然也。芙渠行藕。如竹之行鞭。節生一葉。一華。華葉相偶。又華初著子。首顧在下。久之其房倒垂。首更在上矣。說文引杜林曰。藕根曰葢。非是。爾雅。其本薹。薹乃藕根。非葢也。本草衍義。粉紅千葉白千葉者皆不實。其根惟白蓮爲佳。今禁中生碧蓮亦一瑞也。楚辭。荷爲衣兮蕙爲帶。又緝芙蓉以爲裳。又芙蓉始發。雜芰荷些。又相如賦。夫容外發。又荷作茄。古詩。鷺何在。在茄下。反騷。衿芰茄之綠衣。破芙蓉之朱裳是也。段成式曰。蓮子曰湖目。問奇云。芙蓉古作扶渠。詩疏。一作夫渠。又蓮華三出一層。凡六層。內典。芬陀利華。白蓮花也。優鉢羅花。青蓮花也。彼頭摩花。赤蓮也。

隰有游龍

朱傳。游枝葉放縱也。龍。紅草也。一名馬蓼。葉大而色白。生水澤中。高丈餘。爾雅。紅龍古。其大者薺。陸疏。一名馬蓼。葉大而赤白色。生水澤中。高丈餘。張子曰。龍是葢草。其枝榦膠屈。著土處便有痕如龍也。本草經。葢草主消渴。去熱明目。益氣。一名鴻鵠。如馬蓼而大。生水旁。五月採實。陶隱居云。馬蓼生于溼地。莖斑葉大有黑點。最大者是葢草。圖經。葢草卽水紅。下溼地皆有之。詩隰有游龍是也。管子。五位之士。其山之淺有龍與卉。埤雅。山性宜木。隰性宜草。扶蘇荷花。橋松游龍。皆山隰之所養。以自美者。橋高也。游縱也。以縱故謂之龍。上簞曰橋。山海經曰。上多橋木。鄭讀曰稿木。誤矣。古本龍作龍。紅草葉如柘。黃花白子。皮青滑。詩傳。龍頭草也。淮南子曰。海閭生屈龍。屈龍生容華。龍鴻也。屈龍卽游龍。又馬蓼曰墨記草。葉中有黑點。

者水蓼卽虞蓼。澤蓼青蓼人食之。紫蓼赤蓼以色名。香蓼以香名。按郭注俗呼紅草爲龍鼓。語轉耳。本草經言如馬蓼而大。鄭注云紅草似蓼而高大多毛。故謂之馬蓼。據二說止言似蓼。紅雖有蓼名。非卽馬蓼也。又本草衍義云水蓼與水紅相似。其非蓼明甚。陸疏及埤雅爾雅翼皆曰一作馬蓼。故朱傳因之。又爾雅龍天薺。郭注未詳。說文沿本文訓天薺。未審何草。故當闕疑也。

茹蘆在阪

朱傳茹蘆茅蒐也。一名茜。可以染絳。爾雅茹蘆茅蒐。說文茹蘆人血所生。本草茜根可以染絳。一名過山龍。一名地血。一名茹蘆。一名茅蒐。一名蓍。鄭康成曰齊人謂蓍爲靺。甌人謂靺爲束。謂蔓有束也。蜀本圖經染緋草葉似棗葉。頭尖下闊。莖葉俱澀。四五葉對生。節間蔓延。草木上根紫赤色。今所在有。八月採根。陳藏器云周禮庶氏掌除蠱毒。以嘉草攻之。嘉草蘘荷與茜。主蠱爲最。埤雅春秋傳曰皿蟲爲蠱。篆髓曰皿器也。蟲諸蟲也。指事律曰造畜蠱毒。謂集合諸蟲置于一器之內。久而相食。諸蟲皆盡。若獨蛇在。則卽爲蛇之類。陸疏齊人謂之茜。徐州人謂之牛蔓。今圃人或作哇。種蒔陶隱居云東方諸處乃有而少。不如西多。其文西草爲茜。以此周禮掌染草。掌以春秋斂染草之物。出其東門曰縞衣茹蘆。毛傳云茅蒐之染女服也。鄭箋云染巾也。貨殖傳千畝梔茜。其人與千戶侯等。茜一作蓍。束皙補亡詩蓍蓍士子。涅而不渝。注言孝子鮮明。雖染不變也。卉譜蓍根色紅。氣溫。味微酸。而帶鹹。入營氣。行滯。走血。赤柳根與茜相似。但酸澀。誤用。患內障。通雅徐廣曰卮今鮮支。茜一名紅藍。卽今之紅花。古亦稱茜。今又有烏紅。用蘇木染成。

者。西洋諸國以紫鉚染成者。曰胡胭脂。俗呼紫梗。紫鉚。真臘國所出樹汁也。

有女如茶

朱傳。茶。茅華輕白可愛者也。鄭箋。茶。茅秀物之輕者。飛行無常。疏云。釋草有茶苦菜。又有茶委葉。邶風。誰謂荼苦。卽苦菜也。周頌。以薺茶蓼。卽委葉也。鄭于地官掌茶注。及旣夕注。與此箋皆云。茶。茅秀。然則此言如茶。乃是草。茅秀出之穗。非彼二草也。爾雅。蓼。荇。茶。彘。蕪。芎。疏。此辨芎。茶之異名也。茶。茅秀。蓼也。荇也。其別名。茶。卽茗也。茗。又名森。又名蔗。皆荇。茅之屬。花秀名也。埤雅。予所摛。茶。傳曰。荇。茗也。今女匠亦以荇。茶。絮巢。其色白。按考工記。凡爲甲。鞞。人之事。望而視之。欲其茶。注。茶。白。茅。茅華輕而白。韋革之色似之。周禮。地官。茶人。掌以時聚茶。以供喪事。注。禮。茵。著。用。茶。言縫淺黑之布。貯茶於中。樞下。壙。以茵藉之也。國語。吳王。萬人爲方陳。白常。白旂。素甲。白羽之燿。望之如茶。韋昭云。茶。茅秀也。

方秉簡兮

朱傳。蘭。蘭也。其莖葉似澤蘭。廣而長。節中赤。高四五尺。又云。蘭與澤蘭相似。生水旁。紫莖。赤節。綠葉。光尖長潤。有歧陰。小紫。陸疏。蘭。卽蘭。香草。春秋傳曰。刈蘭而卒。楚辭。旣滋蘭之九畹。孔子云。蘭當爲王者香。草皆是也。其莖葉似藥草。澤蘭。廣而長。節中赤。高四五尺。漢諸池苑及許昌宮中。皆種之。可著粉中。藏衣著書中。可辟魚。禮記。婦人或賜之蘭。則受而獻之舅姑。本草。經。蘭草。主殺蠱毒。辟不祥。一名水香。生大吳池澤。澤蘭。生汝南諸大澤旁。蜀本云。蘭草葉似澤蘭。尖長有歧。花紅白色而香。生溼地。圖經云。澤蘭與

蘭草相類。蘭草葉光潤。根小紫。五六月盛。澤蘭葉尖。微有毛。方莖紫節。採七八月。微辛。此爲異耳。易通卦。驗。冬至廣莫風至。蘭始生。盛弘之荊州記。都梁縣有小山。山上水極淺。其中悉生蘭草。綠葉紫莖。芳風藻。谷俗謂蘭爲都梁。卽以號縣云。羅氏曰。蘭葉如莎首。春則茁其芽。出五六寸。杪作一花。花甚芳香。大抵生深林中。愈深則莖愈紫。故稱幽蘭。與蕙相類。江南蘭只在春芳。荆楚及閩中者。秋復再芳。故有春蘭秋蘭。衍義云。蘭草葉如門冬。而闊且韌。長一二尺。四時常青。花黃。中間葉上有細紫點。春芳者爲春蘭。色深。秋芳者爲秋蘭。今江陵鼎澧州山谷有之。其葉與澤蘭不相似。澤蘭纔出土。便分枝。梗葉如菊而尖長。蘭之種類至多。其入藥者。更有馬蘭。山蘭。花可玩者。有崇蘭。鳳尾蘭。竹蘭。石蘭。鄭漁仲云。蘭卽蕙。蕙卽薰。薰卽零陵香。其說謬甚矣。夏小正。五月畜蘭爲沐浴也。文子。日月欲明。浮雲蓋之。叢蘭修發。秋風敗之。孫卿子。民之好我。芬若椒蘭。家語。芝蘭生深林。不以無人而不芳。君子修道立德。不以困窮而改節。埤雅。古之佩者。各象其德。故德芬芳者佩蘭。禮曰。佩帨。苜蘭。楚辭。紉秋蘭以爲佩。又曰。遺余珮兮澧浦。今鼎澧之間多蘭。左傳。蘭有國香。人服媚之。荀子曰。蘭茝蕝本。漸於蜜醴。一佩易之。又曰。其漸之滫。君子不近。庶人不服。此言善惡在所與游。故交不可不慎也。易曰。同心之言。其臭如蘭。陰爲臭腐。而同人之五陽也。故有蘭之象。韓詩傳。三月桃花水下之時。執蘭祓除。薛君注。鄭國之俗。三月上巳之溱洧兩水之上。招魂續魄。秉蘭草。祓除不祥。故詩人願與所悅者俱往也。花木考云。花之幽潔者。無如蘭。故曰。蘭似君子。蕙似士大夫。今蜂採百花。俱置股間。惟蘭則拱背入房。以獻於王。物亦知其可貴如此。淮南子。男樹蘭美而不芳。說者以。

爲蘭女類。左傳稱女爲季蘭。又鄭文公妾燕姑夢天與已蘭。文公與而御之。遂生穆公。則蘭之爲女類。其說舊矣。朱子楚辭辨證云。蘭蕙名物。本草甚詳。劉次莊云。今沅澧所生花。在春則黃。在秋則紫。春黃不若秋紫之芬馥。又黃魯直云。一榦一花而香有餘者爲蘭。一榦數花而香不足者爲蕙。今按本草所言之蘭。雖未之識。然云似澤蘭。則今處處有之。蕙自爲零陵香。尤不難識。其與人家所種葉類茅而花有兩種如黃說者。皆不相似。劉說則又詞不分明。大抵古之所謂香草。必其花葉皆香。而燥溼不變。故可刈以爲佩。若今之所謂蘭蕙。則花雖香而葉乃無氣。香雖美而質弱易萎。皆非可刈而佩者也。名物疏。祓除之禮。說者參差。蔡邕以爲暮春。天子乘舟禊於名川。論語云。浴乎沂。自上及下。古有此禮。後漢書以爲上巳官民。皆絜於東流水上。陽氣布暢。始洗潔之。南齊志以爲三月清明之節。修事水側。禱祀以祈豐年。予謂周禮。女巫掌歲時祓除釁沴。則祓除之來已久。第不知何緣定於上巳之辰。晉束廣微云。周公成洛邑。因流水以汎酒。逸詩曰。羽觴隨流波。此三月曲水之始也。其說無稽。所引詩復不似。周人語。摯虞謂起於徐肇。三女亡。一村盥洗者。抑又妄矣。蘭譜。蘭無偶。稱第一香。常開於春初。雖冰霜之後。高深自如。葉尤葱翠勁挺可愛。不必花也。故江南以蘭爲香祖。其品紫梗青花爲上。青梗青花次之。紫梗紫花又次之。餘不入品。凡蘭皆有一滴露珠在花蕊間。謂之蘭膏。取多則損花。

贈之以勺藥

朱傳。勺藥亦香草也。三月開花。芳色可愛。廣雅。攣夷芍藥也。韓詩。離草也。言將離別。贈此草也。本草。一名

白朮一名餘容。一名犁食。一名解倉。一名鉞。生中岳川谷及丘陵。圖經春生紅芽作叢。莖上三枝五葉。似牡丹而狹長。高一二尺。夏開花。有紅白紫數種。子似牡丹而小。秋時採根。根亦有赤白二色。入藥。單葉者良。古今注芍藥有二種。有草芍藥。木芍藥。木者花大而色深。俗呼爲牡丹。非也。牛亨問於董仲舒曰。將離別相贈以芍藥者何。答曰。芍藥一名可離。故將別以贈之。亦猶相招召贈文。無文無一名當歸也。後世雜記。謂贈之以芍藥。乃男宜女。貽我握椒。以女宜男。其說不足信。山海經條谷之草多芍藥。洞庭之上多芍藥。范子曰。芍藥出三輔。建寧記。建寧出芍藥。極精好。埤雅。芍藥榮於仲春。華於孟夏。傳曰。驚蟄節後二十有五。日芍藥榮是也。華有至千葉者。今羣芳中。牡丹品第一。芍藥品第二。芍藥花後於牡丹。胡嶠詩。瓶裏數枝婪尾春。蓋婪尾酒乃最後之杯。芍藥殿春。亦得是名。其花有蓮香。白黑紫。硃砂紅之類。維揚治芍藥。每九月十月。悉出其根。滌以清泉。然後剝消老硬病腐之處。揉調沙糞。易其故土。大約三二年一分。否則舊根侵蝕新芽。花不成就矣。孔常父曰。揚州芍藥名天下。四方市種者。一歲小變。三歲大變。與常花無異。由是芍藥之美。專於揚州。其色以黃爲最貴。緋紅千葉乃其下者。雅翼。芍藥華之盛者。其根可和五臟。制食毒。古有芍藥之醬。合蘭桂五味以助諸食。因呼五味之和爲芍藥。花木考。芍藥花譜。總別四十二種。其色以黃者爲貴。本草云。芍藥猶綽約美好貌。處處有之。揚州爲上。謂得風土之正。猶牡丹以洛陽爲最也。或疑漢以來。以牡丹爲芍藥。按牡丹一名鼠姑。一名鹿韭。芍藥千葉者。一名小牡丹。古今注有草芍藥。木芍藥。木本者牡丹名同實異。必合爲一誤矣。詩記。蘭卽今之蘭。芍藥卽今之芍藥。陸疏泥毛公香草之言。

必欲求香於柯葉。置其花不論何也。通雅。古琴疏。帝相元年。條谷貢桐芍藥。帝命羿植桐於雲和。命武羅伯種芍藥於後苑。王立之詩話載。北齊楊子華有畫牡丹。白藥天。李羣玉皆有詩。歐陽公花譜序。何謂無人形。篇什邪。安期生服鍊法。有金芍藥。木芍藥。木卽牡丹。溫庭筠詩。山寺明媚木芍藥。王礪引呂覽。月令雷乃發聲。芍藥榮。田鼠化爲鴛。牡丹華。則周末已名牡丹矣。又芍藥可離。唐本草云。可離。江離也。子虛賦。作勺藥。韓退之。郾城聯句。亦用勺藥。文選注。凡四見。皆音酌略。乃魚肉等醢。豈咏花而可讀爲酌略乎。

維莠騶騶

朱傳。莠。害苗之草也。孔疏。仲虺之誥曰。若苗之有莠。若粟之有秕。秕似粟。莠似苗也。國語。馬飢。不過狼莠。韋昭注。似稷而無實。韋昭問答云。甫田維莠。今何草。答曰。今之狗尾也。月令。孟春行秋令。藜莠蒿萊並興。戰國策。幽莠之秀也。似禾。雅翼。莠者。害稼之草。今之狗尾草也。似稷而不結實。無處不生。莠旣惡物。故言之不美者。謂之莠言。精蘊曰。從草從秀。言其秀與苗同。然實草類。不可食。齊風維莠騶騶。小雅不稂不莠。皆言爲害苗草。又醜也。左傳。鄭公孫揮過伯有。其門上生莠。曰。莠猶在乎。注。莠喻伯有。伯有侈。知其不久也。

言采其莫

朱傳。莫。菜也。似柳葉。厚而長。有毛刺。可爲羹。陸疏。莫莖大如箸。赤節。節一葉。似柳葉。厚而長。有毛刺。今人纒以取繭緒。其味酢而滑。始生可以爲羹。又可生食。五方通謂之酸迷。冀州人謂之乾。絳河汾之間謂之。

莫埤雅子如楮實而紅有刺甜酢可食今吳越呼爲茂子一作莓子汾沮之詩一章曰言采其莫二章曰言采其桑言其君儉以能勤始於侵纒事而采莫終於侵蠶事而采桑也東坡云吾居南海有此人皆呼夢子其實卽穉子也霜實纍纍高數尺有刺開花落瓣則爲子九月紅熟可生食之

言采其蕒

朱傳蕒水寫也葉如車前草爾雅蕒牛脣毛傳水蕒也郭注如續斷寸寸有節拔之復生陸疏今澤瀉也其葉如車前草大其味相似徐州廣陵人食之本草澤泄生汝南池澤陶隱居云葉狹長叢生諸淺水中仙經服食斷穀皆用之亦名水瀉一名及瀉一名芒芋一名穀瀉名物疏爾雅謂蕒牛脣郭注引毛傳爲水蕒李巡曰別二名郭云如續斷璣以爲今澤瀉鄭注云狀如麻黃亦謂之續斷其節拔可復續生沙陁未知孰是廣疏云陸氏因毛傳水蕒誤爲澤瀉李巡已非之鄭氏因郭如續斷遂指爲續斷愈失其真矣按爾雅又云薺蕒注云今澤瀉卽本草澤瀉也今考本草並無蕒與水蕒之名又本草云續斷一名龍頭一名屬折一名接骨一名南草一名槐花亦無蕒與水蕒名其花葉莖實圖經亦詳別之不稼不穡

朱傳種之曰稼斂之曰穡孔疏以稼穡相對則先稼後穡故毛傳曰種之斂之若散則相通大田曰曾孫之稼非惟種之也湯誓曰舍我穡事非惟斂之也說文禾之秀實爲稼莖節爲禾一曰稼事也在野曰稼五稼黍稷菽麥稻呂覽人稼之容足耨之容耨據云容手得時之稼其臭香其味甘其氣章百日食之

耳目聰明。四衛變強。殞氣不入。周禮大司徒辨十有二壤之物。而知其種。以教稼穡樹藝。遂人以土宜教。疇稼穡。遂師巡稼穡。遂大夫正歲簡稼器。修稼政。縣正各掌其縣之政令。徵比趨其稼事。鄴長歲時簡器。與有司數之。里宰以歲時合耦於耜。以治稼穡。趨其耕耨。司稼巡野觀稼。以年之上下出斂法。又稻人掌稼下地。又司稼掌巡邦野之稼。辨種。種之種。周知其民與其所宜地。以爲法。注云。種穀曰稼。如嫁女有所生。曹植社頌。靈稼阿那。一禾千莖。

穡。說文。穀可收曰穡。左傳。小國爲繫。大國省穡而用之。疏。穡。愛也。言愛惜而收斂之。書說命。若農力田服穡。乃亦有秋。內則。飯黍稷稻粱。白黍。黃粱。稭。樵。注云。穀熟而穫之。則曰稭。生穫之曰樵。家語。良農能爲稼。不能爲穡。管子。度地篇。樹以荆棘。土相穡著。所以爲固也。與塞同。穡之言塞。廩藏充塞也。

胡取禾三百廩兮

說文。嘉穀也。二月始生。八月而熟。得時之中。故謂之禾。禾。木也。木王而生。金王而死。小雅。禾易長畝。注。易治。長竟也。禾者。嘉穀之總名。凡黍稷稻粱。自始生至實。皆曰禾。尚書。七月。禾乃登。又天大雷電。以風。禾盡偃。王出郊。天乃雨。反風。禾則盡起。又唐叔得禾。異畝同穎。獻諸天子。王命歸周公于東。作歸禾。注。禾各生一壠。而共爲一穗。天下和同之象。左傳。鄭祭足帥師。取成周之禾。莊子。鹵莽而種之。禾亦鹵莽而報之。滅裂而擾之。禾亦滅裂而報之。孔子見禾之三變。始於粟。粟生苗。苗成穗。所謂變而益上也。淮南子。后稷不能令禾冬生。管子。小問篇。苗始其少也。昉昉乎孺子也。其壯也。莊莊乎士也。至其成也。由由乎茲勉。何其

君子也。天下得之則安，不得則危。故命之曰禾。又古之封禪者，北里之禾，所以爲盛。亢倉子得時之禾，長
稠大穗，圓粟而薄糠，米粘而香，舂之易而食之強。禾卽秔糯二稻也。廣雅：粢稻其穗謂之禾。春秋大無麥
禾書災也。春秋說題辭：禾者銜滋液，注銜滋液以生，故以禾穀爲名也。又曰：嘉禾之滋莖長五尺，五七三
十五，故連莖三十五穗，以成盛德。孝經援神契：德之下地，則嘉禾生。瑞應圖曰：嘉禾五穀之長，盛德之精
也。文者異本而同秀，質者同本而異秀，仁卉也。王者德盛則生，其大盈箱一稔二米。周書：凡禾麥居東方
黍居南方，稻居中央，粟居西方。菽居北方。董仲舒云：聖人於五穀最重麥與禾，汜勝之書：種禾無期，因地
爲時。三月榆莢之時，高地強土可種禾。七月疏苗生，旣秀謂之禾。種殖諸穀名爲稼，禾稼者，苗榦之名。黍
稷重穠，其餘稻秫苽粱之輩皆名爲禾。麻與菽麥則無禾稱。呂氏春秋：禾之患不俱生而俱死，先生者美
米，後生者爲秕，其耨也長其兄而去其弟，注謂存其長大而去其弱小也。周禮：掌客車禾車三秬，音茶，禾
四百秉也。聘禮：禾四秉曰筥，十筥曰稷，十稷曰秬，秉禾盈握也。小雅：彼有遺秉，穰一作總，禹貢：百里賦納
總，或作穗。又禾芒曰秒，說文：秋分而秒定，或作粟，律數十二秒而當一分，十分而一寸，亦取如禾芒之細
也。采禾成秀也。秬禾始熟也。租田中禾稽也。穉禾重生也。名物解：禾粟之苗榦，粟禾之穉實，春秋陰陽之
中粟春生而秋熟，方其以養生言之，則謂之禾，禾麻菽麥禾役穉穉是也。方其以所用言之，則謂之粟。率
場啄粟，握粟出卜是也。師曠術占曰：杏多實不蟲，來年秋禾善。山海經：昆侖之墟有玉山木禾，玉山王母
所居也。又呂覽：飯之美者有玄山之禾。

網繆束芻

說文芻刈草也。象包束草之形。爾雅。秆謂之芻。祭統。士執芻。注。藁也。孔疏。芻者飼馬牛之草。藁者供燃火之草。俗作芻。又牛羊曰芻。犬豕曰豨。皆以所食得名。又菱草名芻。又石龍芻。生山谷溼地。可以爲席。卽龍須草。西京雜記曰。夫人無幽顯。道在則爲尊。雖生芻之賤也。不能脫落。君子故贈君生芻一束。詩人所謂生芻一束。其人如玉也。

不能藪稻粳

朱傳。稻卽南方所食稻米。水生而色白者。爾雅。稌稻也。說文。稻。稌也。秔稻屬。沛國謂稻爲稌。周官。職。方氏掌天下之圖。辨邦國都鄙九穀之數。揚州。荊州。其穀宜稻。豫州。并州。宜五穀。青州。宜稻麥。兗州。宜四種。雍州。冀州。宜黍稷。幽州。宜三種。又地官。稻人。掌稼下地。以豬蓄水。以防止水。以溝蕩水。以遂均水。以列合水。以澮瀉水。以涉揚其芟。作田。掌草澤之所生。種之。蒞種。注。蒞種。稻麥屬。漢世亦有稻田使。卽稻人之職也。廣雅。稻穗謂之禾。本草。秔米味甘苦。主益氣。止煩洩。稻米味苦。主溫中。顏師古刊。謬正俗。本草。稻米今之粳米。養生要集。秔。稻屬也。稻亦秔之總名也。道家方藥。有用稻米。秔米。此則是兩物也。曲禮。祭宗廟之禮。稻曰嘉蔬。月令。季秋。天子乃以犬嘗稻。先薦寢廟。左傳。邠人藉稻。邾人襲邠。注。藉。履稻而行也。地在瑯琊國語。今吳稻蟹不遺其種。春秋說題辭。稻之爲言籍也。稻冬含水。盛其德也。故稻太陰精。含水沮洳。乃能化也。孝經。援神契。污泉宜稻。呂氏春秋。得時之稻。大本而莖葆長。稬疏。機穗如馬尾。大粒無芒。博米而薄。

糠春之易而食之香。如此者不蠱。先時者大本而莖葉格對。短稈短穗。多秕厚糠。薄米多芒。後時者纖莖而不滋。厚糠多秕。辟米不待定熟。叩天而死。汜勝之書。種稻春解凍時。耕反其土。種稻區不欲大。大則水深淺不遍。冬至後百一十日可種稻。地美者用種畝四斗。四民月令。三月可種秔稻。美田欲稀。薄田欲稠。異物志。交趾一歲再種。南海晉安有九熟之稻。隋書。婆登國有月熟之稻。融皋有旬日之稻。西域有四熟之稻。風土記。稷稻之青。稷禾皆青白。拾遺記。東極有靈和之稻。寒者食之則體溫。熱者食之則體冷。文選。清流之稻。又瑯琊之稻。古歌曰。引漳水灌鄴。終古斥鹵生稻梁。蔡邕月令章句。十月穫稻。九月熟者謂之半夏稻。廣志有虎掌稻。紫芒稻。赤穰稻。白米稻。南方有蟬鳴稻。七月熟有蓋下白。正月種。五月穫。莖根復生。九月熟。青芋稻。六月熟。累子稻。白漠稻。七月熟。名物疏。秔稷二色皆稻也。別而言之。則稻是稷。秔乃稻屬耳。詩書所用。各隨文解之。論語。食夫稻。則稻是稷。月令。秔稻必齊。則稻是稷。周禮。牛宜稌。則稌是秔。豐年多黍。多稌。爲酒爲醴。則稌是稷。以陶隱居之博物。而云江東無稻。不知色類云何。五穀豈易分哉。稷米今人亦謂之秔。廣雅云。秔。稷也。古今注云。稻之黏者爲秔。然爾雅衆秔。別是一種。禮記。秔稻必齊。又云。菽麥蕡稻黍粱。秔惟所欲。急就篇云。稻黍秔稷。旣言秔。又言稻。必非一物。鄭司農太宰注。亦以秔稻爲九穀之二種。本草圖經云。黍米黏者爲秔。說文云。秔。稷之黏者。則秔是黍稷之屬。非稻也。顏師古云。秔似黍米而粒小。穀譜。稻有稷有粳。北方以爲佳品。南方以爲常食。有早中晚三熟。水旱二類。南方土下宜水稻。北方地平。惟澤土宜旱稻。大要北粳涼。南粳溫。赤粳熱。白粳涼。新粳熱。陳粳涼耳。稻性宜水。亦有同類而

陸種者謂之陸稻。記曰：煎醢加于陸稻，是也。今謂之旱稜稻。花午開暮合，開合皆于日中，有至七開七合者。詩：十月穫稻，今晚稻也。六月收者曰早稻，秬稻。占稻，七八月收者曰菊花秬稻，細名甚多。自江淮以南，田多三收，北地苦寒，十月乃穫。七修類稿云：宋真宗聞占城稻早耐旱，詔求種分給諸州，故作占梁。朱傳：粟類也，有數色。禮記：祭宗廟之禮，梁曰薺，其又歲凶，大夫不食梁。注：以梁爲加也。物理論：梁者黍稷之總名。本草：清梁、白梁、味甘微寒。黃梁最佳，所謂竹根黃也。廣志有具梁、解梁、遼東赤梁、曬鑽梁，粒如蟻子。魏文帝以爲粥。陶隱居云：青梁出北方，黃梁出冀州，白梁處處皆有。唐本注云：青梁殼穗有毛粒，青米亦微青，而細於黃。白梁殼粒似青稞，而少麤。夏月食之極清涼，但以味短色惡，不如黃白梁。故人少種之。此穀早熟而收少，作餲清，白勝餘米。白梁穗大多，毛且長，殼麤扁長，不似粟。圓米亦白而大，食之香美。爲黃梁之亞。黃梁出蜀漢，南浙間亦種之。穗大毛長，殼米俱麤，於白梁收子少，不耐水旱，食之香美。逾於諸梁。圖經云：梁皆粟類，大抵人多種粟而少種梁，以其損地力而收穫少。諸梁食之，比他穀最益脾胃。粟米亦相似耳。粟米比梁，乃細而圓，種類亦多，功用則無別矣。通志：汜勝之書云：梁是秬粟，今俗謂之粟。古祭祀所用粢，盛是也。可作粢食及釀酒，亦如稷米。或云：梁亦有稷米。雅翼：古不以粟爲穀名，但米有稗穀者皆稱粟。今人以穀之最細而圓者爲粟，則梁是類。古天子之飯，有白梁、黃梁者，明取二種耳。周禮：食豎會膳食之宜，犬宜梁。疏：犬味酸而溫，梁米味甘而微寒，氣味相成也。李時珍曰：梁分赤白黃三色，秬卽梁米。粟米之黏者，其黃者，北人呼黃稷，一名黃米。蘇恭曰：今人呼粟稷爲秬，北人以釀酒，汁少於黍米。凡黍稷粟

稊稂之類皆有稊稂也。左思魏都賦有雍丘之梁。崔駰七依曰。玄山之梁。梁類數種。五穀之一。許叔重謂黍大暑而種。故稱黍。梁性涼。故稱梁。其說迂曲可笑。此荊公字說所從來也。

薺蔓于野

陸疏薺草名。似栝樓。葉盛而細。其子正黑。如燕輿不可食。幽州人謂之烏服。其莖葉煮以哺牛。除熱。本草薺有赤白黑三種。白者根如白芷。皮黑肉白。斂瘡方用之。生取根擣傅效。一種表裏皆赤者。名赤薺。功用與白同。又黑者。圖經云。蔓生。莖端五葉。花青白色。俗呼爲五葉莓。葉有五楹。子黑。一名烏薺。二月生苗。多在林中作蔓。卽陸璣所指也。蜀本注。或生人家籬牆間。俗呼籠草。通雅云。古之薺。今之莓。覆盆子也。曰寒莓。曰大麥莓。世呼插田薺。爾雅之莖缺盆也。稍大者呼割田薺。亦謂蓬藟。此皆一枝五葉。五月實熟。烏赤者一枝三葉。實如櫻桃。曰薺田薺。卽爾雅所謂薺。陳藏器所謂茅莓也。又一種樹生者。所謂樹莓。與此各別。按本草。薺有數種。亦謂之莓。覆盆。藤蔓有刺。白花小葉。四五月實成。子小於蓬藟。而稀疏。實甘酸。紅軟。大如指頂。山中人及時採之。少遲則就枝生蛆。此爾雅所謂缺盆。俗云插田薺。可入藥者也。蓬藟。藤蔓有倒刺。葉大如掌。有毛。六七月開小白花。就蒂結實。三四十顆成簇。有黑毛。形色如熟椹。而扁。冬不凋。功用與覆盆略同。此俗所云割田薺者。一種蔓小於蓬藟。一枝三葉。小白花。四月實熟。色如紅櫻桃。俗名薺田薺。卽爾雅所謂薺者。故郭注云。薺卽莓也。子似覆盆。而大。赤色。酢甜可食。此不入藥者也。一種樹生者。葉似櫻桃。而狹長。四月小白花。實如覆盆。但色紅爲異。此爾雅所謂山莓。陳藏器所云。縣鉤子者。又一種。

就地蔓生。長數寸。黃花。實如覆盆。鮮紅不可食。卽本草所謂蛇莓也。據此。則覆盆蓬蒿。明是一物。通雅混爲一誤矣。

詩傳名物集覽卷九

草

兼葭蒼蒼

朱傳兼似萑而細。高數尺。又謂之蘼葭。蘆也。孔疏。初生爲葭。長大爲蘆。成則爲葦。又名離。釋草。兼。蘼。郭璞曰。似萑而細。江東呼爲蘼蘆。陸疏。水草也。堅實。牛食之肥。彊。青徐人謂之蘼。兗州遼東通語也。說文。蘼。萑之未秀者。詩。緝。兼一名蘼。又名荻。一物三名。廣要曰。兼葭二物。相類而異種。兼小而中實。曰萑。曰蘆。曰荻。曰離。曰亂。曰兼。曰荻。曰烏蘆。皆兼也。葭大而中空。曰葦。曰蘆。曰華。曰芳。曰馬尾。皆葭也。本草。綱目。蘆葦花皆名芳。萌皆名蘼。如竹筍可食。所謂兼。今作蘼者是也。所謂葭。今作蘼者是也。埤雅。蘼高數尺。今人以爲蘼箔。因此爲名。蓋其萌也。同時。其秀也。同時。其堅成也。又同時。且同產河洲江渚間。故詩人往往竝詠。如葭。蒹。揭。揭。八月萑葦。及此篇是也。陸疏云。蘆亂別草。李巡認爲一物。朱子河廣注云。葦。兼葭之屬。毛公大車傳。蒹。蘆之始生。偶爾相混。後人遂不能分別矣。字說云。荻。彊而兼弱。荻高而兼下。雖無實據。亦頗得其形似。易說卦傳。爲萑葦。莊子。欲惡之孽。爲性。萑葦兼葭。始萌以扶吾形。尋擢吾性。注。葦之幼曰兼葭。長曰萑葦。一物異名。

視爾如蒺

朱傳菝芑芑也。又名荆葵。紫色。爾雅菝蚘蚘。郭云荆葵也。似葵。紫色。謝氏云小草。多花。少葉。葉又翹起。古今注荆葵一名戎葵。一名芑芑。華似木槿。而光色奪目。有紅。有紫。有青。有白。有黃。莖葉不殊。但花色異耳。一曰蜀葵。陸疏芑芑一名荆葵。似蕪菁。華葉紫綠色。可食。微苦。齊民要術葵有紫莖。白莖二種。春必畦種。水澆。冬種者有雪。勿令從風飛。每雪輒勞之。令地保澤。搯必待露解。收必待霜降。詩曰七月烹葵及菝。是也。左傳鮑莊子之知不如葵。葵猶能衛其足。羅氏曰荆葵比戎葵。葉小花似五銖錢。大色粉紅。有紫文縷之一名錦葵。大抵似蘆葦花。故陸云似蕪菁花。釋草葦戎葵。郭氏曰今蜀葵。菝芑芑今荆葵。其來各不同。本草蜀葵中小花者名錦葵。一名戎葵。功用更彊。以此雜之蜀葵中。而反得戎葵之名矣。崔豹古今注其說戎葵蜀葵之狀可也。混荆葵芑芑之名於內者。非也。然今人亦通呼此爲蜀錦葵。則從其類比附之耳。埤雅爾雅曰蔞葵。一名繁露。此又葵之一種。蔓生。葉圓而厚。周官曰大圭尺三寸。杼上蔞葵首。說文云齊謂之蔞葵。謂於杼上圓廣其首。卽禮記天子所搢之珽也。濮氏曰芑芑紫荆。春時開花。葉未生花。紫色。自根及榦而上。連接甚密。有類蟻窠。故爾雅字從蟲。名蚘蚘。俗曰火蟻花。譜葵有十餘種。天有十日。葵與終始。故從葵。一種錦葵。又名菝。又名菝芑。叢低葉微厚。花小如錢。文采可觀。又名錢葵。色深紅。淺紅。淡紫。皆單葉。開亦耐久。詩視爾如菝。卽此字說。草能揆日向焉。故又訓揆。通雅按郭璞以菝爲荆葵。葦爲蜀葵。鄭氏誤以荆葵爲蜀葵。漁仲又誤以葦菝爲蜀葵。荆葵似戎葵而紫。稍小。戎葵卽蜀葵也。一說紫荊花似五銖錢。生榦上。自根至杪如蟻窠。故名。猶荊藟之名豕首。綬草之名旨鷗也。

可以漚苧

朱傳。苧。麻屬。陸疏。苧。麻也。科生數十莖。宿根在地中。至春自生。不再種也。荆揚之間。一歲三收。今官園種之。歲再刈。刈後優生。剝之以鐵若竹挾之。表厚皮自脫。但得其裏。韌如筋者。謂之徽苧。今南越苧布皆用此。麻麤者可爲繩。周禮。典臬。掌布總縷。苧之麻草之物。陸德明曰。苧字又作苧。張揖云。三稜也。說文。草也。可以爲繩。麻譜。苧。績麻也。有二種。一白苧。一紫麻。各處有之。皮可績布。高七八尺。葉如楮。夏秋間著細穗。白色子。茶褐色。一科數十莖。宿根在地。到春自生。每歲三刈。過常麻三倍。本草。苧。家苧也。又有山苧。野苧。紫苧。葉面紫。白苧。葉面青。背皆白根。可煮食救荒。今俗呼苧爲苧麻。麻。臬也。臬與苧異種。苧精白於臬。故詩曰。漚苧。又曰。漚麻。漢書。相如賦。蔣苧。蔣苧也。苧。小粟也。與苧殊類。音義誤以爲三稜。舊注云。苧與苧同。則又誤中之誤矣。苧通作苧。義同。

可以漚菅

朱傳。菅。葉似茅而滑澤。莖有白粉。柔韌宜爲索也。爾雅。白華。野菅。郭璞曰。菅。茅屬。白華。箋。人刈白華於野。已漚。名之爲菅。未漚。則但名茅也。陸疏。菅似茅而滑澤。無毛。根下五寸中有白粉者。柔韌宜爲索。漚乃尤善矣。可爲履。菅根赤。茅根白。濮氏曰。左傳云。雖有絲麻。無棄菅蒯。蒯與菅皆謂苕也。黃華者。俗名黃芒。卽蒯也。白華者。俗名白芒。卽菅也。周書。成王時。會人獻以菅。山海經。天帝之上。其下多菅。又吳林山中多葦草。注。菅也。異物志。香菅似茅而葉長。大于茅。不生洿下之地。凡所烝享。必得此菅包果。助調五味。陸農師

云爾雅曰白華野菅其華白故一曰白華詩序曰白華孝子之潔白也南陔孝子相戒以養也詩曰白華菅兮白茅束兮又曰英英白雲露彼菅茅已漚者曰菅白華不菅則薄脆白茅不束則散亂故詩以譬夫婦菅與麻紵同義矣字說菅物之柔韌者制而用之故謂之菅茅自然之潔白故以供祭祀菅漚蓄而柔韌故以爲索紃幽王黜申后而立褒姒以妾爲妻以孽代宗故詩人刺之曰白華菅兮白茅束兮不以賤防貴不以貴棄賤者人道也不以茅棄菅不以菅害茅者天道也李氏本草夏花者爲茅秋花者爲菅二物功用相近名稱不同本草別錄不分二種謂茅根一名地菅又曰地筋一名菅根蓋二物根狀皆如筋可通名地筋不可竝稱菅也又翠菅生水中似蔥空中名水蔥王維詩水驚波兮翠菅靡注草可爲席唐六典東牟郡歲貢蔥席六領通雅說文謂菅卽茅非也菅大于茅葉似菱草花白穗旃旃然莖圓直宜爲帚其弱柔韌宜爲屨白芒不及黃芒芒又作惹爾雅惹杜榮郭注惹似茅皮可爲繩索屨屨菅赤根茅白根菅可食牛茅不可食牛喪服傳曰薦蒯之菲曲禮苞屨不入公門皆謂草穗之芒蕝也異物志香菅則又一種王伯厚以秉間爲菅蓋古聲借耳丹鉛錄菅蔽作菅黃芻蕝芻

芻有旨苕

朱傳芻丘也苕苕饒也莖如豈豆而細葉似蒺藜而青其莖葉綠色可生食如小豆藿也爾雅苕陵苕黃華蘩白華芴郭注苕華色異名亦不同芴音肺陸疏苕苕饒也幽州人謂之翹饒夏生孔疏苕之華傳云陵苕此直云苕草陵苕好生下溼此則生于高丘與彼異也詩緝此旨苕苕饒也非小雅苕之華所謂陵

茗也。廣要孔氏以爲好生。下溼亦因陸疏誤認鼠尾爲陵茗矣。不知陵茗乃陵霄亦好生高阜者。但二種俱不可食。而旨茗可生食爲異耳。正字通茗有二。小雅茗之華。陵茗也。卽凌霄花。好生高阜。初蔓生。依喬木歲久。延引至顛。開花。劉禹錫云。一名女葳。通志云。一名紫葳。花不紫。鄭箋以爲花紫赤繁。華衰則黃。非也。鼠尾草一名陵翹。一名陵時。卽爾雅蕘之別名。與陵茗殊類。孔穎達陸璣以陵茗爲鼠尾。以陵時陵翹卽凌霄。竝非。詩緝云。陳風邛有旨茗。茗饒也。非小雅陵茗也。或溷爲一。舊注引爾雅翼闕旨茗。爾雅連異翹注。一名連茗。此又與詩二茗同名。異實者也。

邛有旨鷓

朱傳鷓。小草。雜色如綬。爾雅鷓。綬。郭璞曰。小草有雜色似綬也。鄭漁仲云。疑卽赤孫施草也。陸疏鷓五色。作綬文。故曰綬草。埤雅鷓。鳥也。故鷓有雜色似綬。其字從鷓。鷓善相其天而吐綬。樂見其文采。有戕賊之疑。則不吐也。今綬鳥大如鸚鵡。頭頰似雉。有時吐物長數寸。食必畜嚙臆。前大如斗。慮觸其嚙。行必遠草木。古今注吐綬鳥一名功曹。今俗謂之錦囊。戴侗曰。鷓大如雞。頰下有錦囊。鳴則囊見。時珍云。吐綬雞項有嚙囊。內藏肉綬。清明前後。向日擺之。項上先出兩翠角二寸許。乃舒綬長闊近尺。采色燦爛。踰時不見。或剖視之一無所有。劉公瑾云。鷓本鳥名。亦名綬鳥。咽下有囊如小綬。具五色。鷓草之名。豈因其似而取義乎。

有蒲與蔞

朱傳。蒲。水草可爲席者。說文。蒲。水草。似莞而褊。有脊。滑柔而性溫。可以作席。菼。蒲子。可以爲平席。禮。男執蒲。言有安人之道也。毛傳。束蒲草也。本草圖經。水楊也。又苻蒲。一名蒲釐。山南人謂之香蒲。春初生時出水。紅白茸茸然。其入土白色者。啖之甘脆。宜爲菹。周禮。深蒲是也。其葉與菼如菱。滑奕可爲薦。周禮。蒲筵是也。蒲中心狀如匕柄者。夏抽莖。叢生。花抱莖端。蕊屑若金粉。爲蒲黃。甘平益氣力。陸疏。蒲始生中心入地者名菼。煮以苦酒浸之。如食筍法。埤雅。蒲。水草也。說者以爲上章言薪言楚。則蒲不宜爲草。誤矣。夫芻亦草也。綢繆之詩曰。束薪束芻束楚。則豈以言木妨草哉。魚藻曰。魚在在藻。依于其蒲。蓋魚遊者也。據于藻。依于蒲。樂于藻。安于蒲。王者俯身以順萬物。魚之所樂。王亦樂焉。魚之所安。王亦安焉。禮。男執蒲璧。注。刻蒲形于璧。象其安人之道也。又明堂位。周以蒲勺。注。合蒲如鳧頭也。疏云。刻勺爲鳧頭。其口微開。如蒲草本合而未微開也。三禮圖。如蒲穀璧。悉作草稼之象。今人發古冢得蒲璧。乃刻文蓬蓬如蒲花數時。穀璧如粟蒲耳。義各有取。卽禮圖亦未可爲據也。又爾雅。莞。苻離。其上蒿。注。西方人呼蒲爲莞蒲。蒿謂頭臺首也。亦名蒲中莖爲蒿。用之爲席。大雅。維筍及蒲。鄭箋云。深蒲也。傳云。蒲菼也。周禮。醢人深蒲醢。鄭司農云。深蒲薄菼。入水深。鄭玄云。始生水。中子。詩。緝斯干。下莞箋云。小蒲則莞精蒲。周書云。潤溼不穀。樹之竹。葦。莞蒲。礫石不穀。樹之。葛木。以爲絺綌。

有蒲菼菹

朱傳。菼。菹。荷華也。爾雅。荷其花菼菹。其實蓮。說文。芙蓉花未發爲菼菹。已發爲芙蓉。埤雅。菹爲芙蓉。秀曰。

茵菖。暢茂曰華。字說。茵菖實若。隨昏昕開闔。一說草木華未發也。非專指荷。杜甫賦。雲茵菖以張蓋。張說華山銘。茵菖森爽。陸璣賦。紅蕊發而茵菖皆借義形擬語。

隰有萋楚

朱傳。萋楚。銚弋。今羊桃也。子如小麥。亦似桃。爾雅。萋楚銚弋。郭注。或曰鬼桃。葉似桃華白。鄭箋。羊桃也。藤生子赤。狀如鼠糞。故亦名鼠矢。兒童食之。陸疏。葉長而狹。華紫赤色。其枝莖弱。過一尺引蔓草上。今人以爲汲灌。重而善沒。不如楊柳也。近下根刀切其皮。著熱灰中脫之。可韜筆管。鄭箋。銚弋之性。始生正直。及其長大。其枝猗儺而柔順。不妄尋蔓草木。本草。羊桃一名羊腸。一名御弋。生山林川谷及田野。陶隱居云。子細小。苦不堪噉。花甚赤。蜀本圖經。葉花似桃子。細如棗核。多生溪澗。今人呼爲細子。根似牡丹。或曰一名楚業。埤雅有兩羊桃。一種花實皆連理。廣要。萋楚莖弱。必蔓于草木。鄭箋。牽彊已甚。草木疏云。花紫赤色。圖經亦云。花甚赤。而景純。農師。俱云花白。又矛盾矣。按萋楚類書有入木部者。然據鄭箋。陸疏。其爲草屬無疑。戴合溪嘗論萋楚。絕非羊桃。又閩中獼猴桃亦相類。乃藤梨也。閩人呼爲陽桃。

浸彼苞稂

朱傳。苞。草叢生也。稂。童梁。莠屬也。鄭注。守田也。俗呼鬼稻。一穗之間。得一二穀而已。傳云。稂非漑草。得水而病也。鄭箋云。稂當作涼。蕭著屬。易傳亦以稂當作涼。然釋草不見草名涼者。未知何據。說文。禾粟之采。生而不成者。謂童莠。莠或從禾作稂。陸疏。禾秀爲穗。而不成則蕝然。謂之童梁。今人謂之宿田翁。或謂之

守田正義曰。鋤禾去非類。莠既別是一物。稂亦當別是一物。故郭注云。稂爲莠類。說文陸疏皆以爲禾之未成者。則是稂亦禾矣。何至與莠竝稱乎。羅氏曰。稂惡草也。與禾相雜。故詩人惡之。古以飼馬。魯仲孫它馬。籩不過稂莠。謂此也。詩稱不稂不莠。注。稂莠皆害苗。按本草有狼尾草子。作黍食之。令人不飢。似茅作穗。生澤地。程子云。稂蕭莠皆下澤所生。廣志可作黍。引爾雅孟狼尾。今人呼爲狼茅子。然則此物似是稂。爾稂既有實如黍。故能亂苗。又莠今謂之狗尾草。稂名狼尾。則亦相類者。爾雅苞稂也。注。今人呼物叢綴者爲稂。大雅敦彼行葦。方苞方體。注。苞甲未坼也。如竹苞矣。注。叢生而固也。商頌苞有三蘂。注。本也。如山之苞。叶下流。又有韻音剖。實方實苞。叶秀好。注。穀種甲而未坼曰苞。舊注苞本草名。音葦。今人混作包。佩觿集云。草名之苞。不當爲厥包之包。按正韻包亦苞。韻會通作包。

浸彼苞莠

朱傳。莠。莠草也。陸疏。似藜。蕭青色。科生。本草圖經。生少室山谷。今蔡州上蔡縣白龜祠旁。其生如蒿。作叢高五六尺。一本一二十莖。至多者三五十莖。生便條直。異于衆蒿。秋後有花出于枝端。紅紫色。形如菊。用其莖爲筮。以知吉凶。故謂之神物。易。莠之德。圓而神。卦之德。方以知。神以知來。知以藏往。昔者聖人之作易也。幽贊于神明而生蓍。周官。筮人。上春相筮。逸禮。天子之蓍九尺。諸侯七尺。大夫五尺。士三尺。蓍千歲三百莖者。先知也。洪範五行傳。蓍之爲言耆也。百年一本生百莖。此草木之壽。知吉凶者也。聖人以問鬼神焉。論衡。蓍碩也。明狐疑之事。當問之。博物志。以老故知吉凶。生千歲。三百莖同本。其上常有黃雲覆之。

易以爲數。史記：蒼所生獸無虎狼，草無毒螫。褚先生云：聞蒼生百莖者，其下必有神龜守之，其上常有青雲覆之。傳曰：天下和平，王道得而蒼莖長丈，叢生滿百莖。今世取蒼不能中古法度，取滿六十莖以上，長六尺者，即可用以未大于本者爲主。次蒿、次荊，皆以月望浴之，論衡：蒼生七十歲，生一莖，七百歲生十莖。神靈之物遲也。說原：草植三百六十，蒼爲之長。范筠詩：數奇不可偶，性直誰能紆。傳玄賦：春邁德于青陽，混百卉而萌生，逮朱夏而修茂，暨商秋而堅貞。雖離霜而未雕，與潛龜乎通靈。埤雅：蒼之壽者也。六十曰蒼，卦之別六十有曰蒼，數窮于此，且蒼所指非極數也。或曰：重卦伏羲爾，文王重卦柰何？曰：伏羲重卦，重三畫于前，文王重卦，重六爻于後。周官曰：卜掌三易之法，其經卦皆八，其別皆六十有四。故曰：八卦成列，象在其中矣，因而重之，爻在其中矣。司馬遷曰：伏羲至純厚，作易八卦，西伯拘而演易，楊雄曰：易始八卦，文王六十四，易乾鑿度曰：垂皇策者義，伏羲用蒼，則卦已重矣。然世質民淳，占法惟用七八六十四卦，皆不動，若乾止于乾，坤止于坤，不能變也。夏商因之，皆以七八爲占。連山歸藏是已，後至文王，世益澆薄，占法始用九六，蓋不如此，不足應天下之變也。今易是已，六十四卦皆動。傳曰：周易以變者爲占是也。然則伏羲重七八，文王重九六，由是觀之，伏羲文王皆重卦。楊雄言伏羲作八卦，文王六十四，各從其盛者言之耳。

四月秀蓂

朱傳：不榮而實曰秀。蓂，草名。毛傳：蓂，蓂草也。箋：夏小正：四月王賁秀，蓂其是乎。物成自秀，蓂始。正義云：蓂

草書傳無文。四月已秀。物之鮮矣。故鄭以王荳正與萋爲一。曰萋其是乎。爲疑之辭也。月令。孟夏王瓜生。注。今日王荳生。夏小正云。荳王秀。未知孰是。鄭疑四月秀者。當爲王瓜。而月令。夏小正。皆作王荳。又生秀字異。必有誤者。本草云。荳生田中。葉青刺人。有實。七月采陰乾。則又非四月矣。物之成熟。莫先于萋。故云自秀。萋始也。曹氏云。萋今遠志也。其苗謂之小草。說文。四月秀萋。劉向說此味苦。苦萋也。名物疏。萋草。毛公不云何物。鄭疑爲王荳。蔡邕月令章句曰。荳草名。生于陵。月令。四月王瓜生。鄭注。王瓜。草挈也。月令云。王荳生。夏小正。王荳秀。呂覽。孟夏王荳生。注。荳或作瓜。瓠瓠也。淮南子。孟夏王瓜生。注。王瓜。本草作芟。芟然則鄭以王荳卽王瓜。而又以王瓜爲芟。芟也。呂覽。淮南。高誘。一家之說。一以爲瓠瓠。一以爲芟。芟則固自相矛盾矣。考之本草。王瓜一名土瓜。生魯地平澤田野。及人家垣墻間。三月採陰乾。均房閒。人呼爲菟瓜。爾雅曰。黃菟瓜。郭璞云。似土瓜。而土瓜自謂之鉤藤姑。蓋菟瓜別是一種也。按本草明言王瓜一名土瓜。則二物小異。實一種耳。王荳又是一物。蔡邕云。生于陵。本草云。生田中。且夏小正月令。一以爲王荳。一以爲王瓜。定非一也。若栝樓。自是果羸之實。菝葜。自在草部中品之上。陶隱居云。鄭玄以王瓜爲菝葜。殊爲謬矣。曹氏則以爲遠志。據爾雅云。萋繞蕨菟。郭璞曰。今遠志也。本草云。遠志味苦。一名蕨菟。一名萋繞。一名細草。四月採根。葉陰乾。圖經云。根黃色。形如蒿苗。名小草。曹氏以萋繞之名。偶涉于萋。又味苦。合劉向之說。故定爲遠志。嚴氏從之。然不榮而實。謂之秀。遠志有花。不得云秀矣。且本草但言四月採根。葉不云採實也。或曰。黍稷有華。亦可曰秀。然萋繞花。又以三月開。不以四月。若從鄭氏以爲王荳。則實以七月

採以爲王瓜。則王瓜亦有花。五月方開花。下結子亦不得以爲四月秀也。朱子闕而不說。良亦有以。漢書唐山夫人歌云。豐草萋。注云。萋。盛貌。或者詩泛言草有盛秀者乎。通雅。狗尾之莠。萋非遠志。萋繞狗尾也。曰莠。猶狼尾曰稂也。廣雅。謂藜菟爲遠志。苗曰小草。似麻黃。劉向說味苦。一曰狗尾草。按莠。萋。繞。繞。相去甚遠。孔子惡莠之亂苗。豈可以萋存兩可之說。爾雅。孟狼尾。說文。藎。藎。或作稂。如狼尾。皆有實如黍。號曰稂莠。

七月烹葵及菽

朱傳。葵。菜名。詩記。葵。承露也。大莖小葉。華黃紫色。可茹。公儀所拔是也。葵。生菜。向日。不令照根。曹植表。若葵藿之傾太陽。雖不爲回光。然向之者誠也。左傳。七月。別鮑牽。仲尼曰。鮑莊子之智不如葵。葵猶能衛其足。王禎農書。葵。陽草也。爲百菜之主。備四時之饌。可以防荒儉。可以爲菹腊。周禮。醢人饌食之豆。其實葵。菹。羸醢。特性記。鋼。莖。夏葵冬萱。儀禮。贊者一人。執葵菹授之主婦。士虞禮。夏秋用生葵。春冬用乾豆。繆襲祭儀。夏祀和羹。莖以葵。周官曰。大圭長三尺。杼上終葵首。終葵。爾雅作繇葵。葉圓而厚。故以象形。齊民要術。種葵三十畝。勝十頃穀。陶隱居云。以秋種葵。覆養經冬。至春作子。謂之冬葵。至滑利。春葵子亦滑。葉尤冷利。不可多食。術家取此葵子微炒。散著溼地。遍踢之。朝種暮生。遠不過宿。日華子云。冬葵久服。堅筋骨。秋葵卽是種早者。四民月令。正月可種葵。四月可收。冬葵子六月六日可收。葵。中伏可種。乾葵。古者以葵爲常菜。左傳。公儀休相魯。茹園葵而美。愠而拔之。曰。又奪園夫紅女之利乎。莊子。魯漆室女泣曰。昔客逸

馬踐園葵。使吾終歲不飽葵。道家之法。十日一食葵。葵性溫利。所以調和五臟也。圖經。冬葵秋種。春作菜。茹蜀葵。爾雅。蒿戎葵也。花五色。白者主疾瘡。黃者塗癰。小花者紫黃色。爾雅。蔞葵繫露也。菟葵若黎。有毛。啖之甚滑。爾雅所謂蕃也。亦名天葵。別有鳧葵。苳菜也。荆葵。苳芑芑也。錦葵。旌節花也。大黃葵。燭花。向日葵也。鄧潛谷曰。葵十月種。五月更種。本草。葵類多。其可食者爲菜葵。古人采葵必待露解。故曰露葵。今人呼滑菜者是。葵有紫莖白莖二種。白者勝。大葉小紫黃花。最小者名鴨腳葵。實大如指頂。子輕虛如榆筴。仁。四五月種者可留子。六七月種者爲秋葵。八九月種者爲冬葵。正月種者爲春葵。然宿根至春亦生。又有野者。古詩井上生旅葵是也。

菽。朱傳。豆也。采菽。箋。菽。大豆也。生民傳云。往菽。戎菽也。箋云。戎菽。大豆也。史記。棄爲兒時。好種樹麻菽麥。月令。孟夏之月。天子食菽與雞。菽爲北方之穀。雞爲陽鳥。亦水火相濟之義也。左傳。隕霜殺菽。又人食半菽。物理論。菽者衆豆之總名。爾雅。戎菽謂之往菽。廣雅。大豆。菽也。小豆。荅也。踔豆。豌豆。蠶豆也。胡豆。踔也。豆角謂之莢。其葉謂之藿。小宛疏。菽。大豆也。采其葉爲藿。以芼牛。謂以鼎煮牛。取其骨體置之。于俎。其汁則芼之。以藿。調以五味。乃盛之于鉶。謂之鉶羹。春秋說題詞。菽者屬也。春生秋熟。理通體屬也。菽亦黑。陰生陽。大體應節。小變象陽色也。范子計然曰。五土之宜。各有高下。高而陽者多豆。平而陰者多五穀。東方多麥稻。西方多麻。北方多菽。中央多禾。援神契。赤土宜菽。呂氏春秋。得時之菽。長莖而短足。其莢三七。以爲族。多枝數節。競葉蕃實。大菽則圓。小菽則搏。以芳稱之。重食之息以香。如此者不蟲。先時者必長。以

蔓浮葉疏節。小莢不實。後時者短莖疏節。本虛不實。種植書。春大豆。次植穀之後。二月中旬爲上時。三月上旬爲中時。四月上旬爲下時。歲宜晚者。五六月亦得。然地不求熟。收刈欲晚。鋤不過再。美田欲稀。薄田欲稠。汜勝之書。三月榆莢雨時。高田可種大豆。保歲易爲宜。古之所備凶年也。大豆生戴甲而出。種土不可厚。厚則頂折。不能長達。夏至後二十日尙可種。小豆不保歲。難得宜。椹黑時種。雅翼。羞籩之實。餽餌粉。糞。皆稻米黍米所爲。以其黏著。故搗粉熬大豆以爲表。管子。桓公北伐山戎。以戎菽遍布于天下。注。戎大也。孫炎云。大豆諸家或以爲胡豆。后稷播種。豈應近舍中國之種。而遠種胡豆乎。穀譜。大豆有黑青黃白斑數種。今之赤豆。白豆。綠豆。豈豆。皆小豆也。白豆亦曰飯豆。漢書所謂飯豆食芋魁者。一種。藜豆。葉如大豆。可作飯。又黑豆中最細者。曰穉豆。料豆。廣雅。葉謂之藿。公食禮。鉶。羊苦黍薇。當是烹豆葉以爲羹耳。名物解。菽有收斂之意。常膳也。故可祀天地。亦喻君子之德。中原有菽。言德足以養人者。天下之所歸也。采菽采菽。言取有德受之以法度也。春秋。定元年。隕霜殺菽。傳。菽草之難殺者。言殺則知百草皆死。又周子有兄不慧。不辨菽麥。周子。晉悼公也。漢書。歲飢民貧。率食半菽。言軍無糧。以菽雜它穀食之。前漢書。令三輔太常郡。得以菽粟當賦。後漢光武紀。野穀旅生。麻叔尤盛。叔與菽同。

七月食瓜

爾雅。瓠。其紹。瓠。郭注。俗呼瓠爲瓠。紹者瓜蔓。紹亦著子。但小耳。說文。瓜。蒞也。在地曰蒞。有數種。皆蔓生。本草經。水芝者。白瓜。甘瓜也。禮月令。孟夏。王瓜生。注。卽黃瓜。周禮地官。委人。掌蓄聚物。瓜。瓠。芋。葵。廣雅。冬。

瓜。瓠也。水芝瓜也。其子謂之瓠。瓜之所出。以遼東。廬江。燉煌。爲美。有龍蹠。虎掌。羊髀。兔頭。女臂。密筍。瓠。狸頭。白瓠。無餘。縑瓜也。又有魚瓜。大瓜如斛。出涼州。有青登瓜。大如三升斗。有桂支瓜。長二尺。龍肝瓜。長一尺。花紅葉素。生水谷。又瓜州出大瓜。狐入其中。首尾不見。瓜州在古燉煌郡。夏小正。五月乃瓜。乃者。急瓜之辭也。瓜也者。始食也。八月。剝瓜。蓄瓜之時也。禮記。爲天子。削瓜者。副之。巾以絺。注。副。坼也。四坼之。覆以巾。爲國君。華之。巾以綌。注。華。中裂也。爲大夫。累之。注。不覆巾也。士。寔之。注。去寔。不斷。庶人。齧之。晏子曰。賜人主前。瓜。桃不削。橘。柚不剖。此亦曲禮。懷核之義。杜僭。竊之萌也。禮。婦人之摯。瓜。桃李。梅。盧。譙。祭法曰。夏。祠。秋。祠。皆用瓜。又。仲冬。行。秋。令。則。天。雨。汁。瓜。瓠。不成。注。雨。雪。雜。下。曰。汁。龍。魚。河。圖。曰。瓜。有。兩。鼻。者。殺。人。莊。子。朽。瓜。化。爲。魚。物。之。變。也。本。草。瓜。蒂。七。月。採。圖。經。云。卽。甜。瓜。蒂。也。又。有。白。瓜。越。瓜。胡。瓜。埤。雅。瓜。字。象。其。實。在。鬚。蔓。之。間。禮。郊。特。牲。天。子。樹。瓜。華。不。斂。藏。之。種。也。謂。種。以。供。一。時。之。用。非。收。斂。久。藏。之。種。惡。與。民。爭。利。也。性。少。延。輒。腐。種。用。戊。辰。日。尤。忌。聞。麝。乃。至。一。蒂。不。收。又。曰。瓜。祭。上。環。注。謂。橫。切。之。圓。如。環。也。舊。說。其。寸。謂。之。環。環。瓜。之。脫。華。處。其。當。謂。之。蒂。蒂。瓜。之。繫。蔓。處。蒂。味。小。苦。墨。子。曰。瓜。甘。蒂。苦。天。下。物。無。全。美。也。左。傳。齊。侯。使。連。稱。管。至。父。戊。葵。丘。瓜。時。而。往。及。瓜。而。代。故。今。呼。相。代。爲。瓜。期。又。梁。宋。就。爲。湯。令。與。楚。鄰。界。梁。邊。亭。數。灌。瓜。而。美。楚。希。灌。因。搔。梁。瓜。樛。人。欲。報。之。就。曰。是。搆。怨。之。道。也。因。竊。爲。楚。灌。楚。王。大。悅。謝。以。重。幣。稽。聖。賦。曰。瓜。寒。于。曝。油。冷。于。煎。俗。云。瓜。近。糯。及。酒。氣。則。易。爛。猫。踢。之。其。瓢。便。沙。

朱傳。壺。瓠也。埤雅。似匏而圓曰壺。壺。圓器也。故謂之壺。亦曰壺盧。古今注。壺盧。瓠之無柄者。玄蜂若壺。蓋取諸此。性善浮。要之可以涉水。南人謂之要舟。鷓冠子曰。賤生于無所用。中流失船。一壺千金。以此又可爲樽。春秋傳。樽以魯壺。司尊彝曰。秋嘗冬蒸。饋獻用兩壺。尊皆以質爲貴者。記曰。器用陶匏。貴其質也。惠子曰。魏王詒我大瓠之種。樹之成而實五石。以盛水漿。不能自舉也。剖之以爲瓢。則瓠落而無所容。莊子曰。今子有五石之匏。何不慮以爲大樽。而浮乎江湖。壺之爲樽。其來尙矣。詩曰。八月斷壺。壺性蔓生。披蔓斬之。故曰斷也。今其收法。八月冷露降。輒先斷其根。令其餘蔓飲之。已日乃收。尤堅成可用。禮器壺居一。夏商時總曰尊彝。周制大備。故蒸嘗饋獻。凡用兩壺。次于尊彝。用于門內。然壺之用。方圓有異。燕禮與大射。卿大夫用壺。卿大夫以直方爲宜。故用方。士旅食。以順命爲宜。故用圓。聘禮。八壺南陳。六壺東陳。東蠡以動出。而有接。南假以大。顯而文明。應物以相見之時也。以壺爲設。蓋取諸此。周禮司尊彝。饋獻用兩壺。尊壺與古用匏同義。貴質也。漢之匱壺。非古制也。又壺蘆與瓠同。俗作葫。又畫壺。今小兒所吹泥鼓。有聲無調者。蔬譜。瓠江南名扁蒲。就地蔓生。苗葉花俱如葫蘆。結子長一二尺。夏熟。亦有短者。麤如人肘。中有瓢。兩頭相似。味淡可煮食。詩記。壺枯者可爲壺。嫩者可供茹。陸疏。甘瓠可食。就蔓取之。洪舜俞云。輪困。鴨之瓠。鬱屈龍蛇之芝。劉彥沖詩。漑釜熟輪困。香清味仍美。一綫解瓊瑤。中有佳人齒。

九月叔苴

朱傳。叔。拾也。苴。麻子也。喪服注。苴。麻之有實者。孔疏。麻九月初熟。拾取以供羹菜。本草經。麻無子曰臬。有

子曰苴味甘平。主補中益氣。久服肥健不老。月令。仲秋食麻與犬。孟冬天子以犬嘗麻。草譜。苧麻子茶褐。色。收子作種。須頭苧者佳。大麻一名火麻。一名漢麻。雄者名臬。雌者名苴。五六月開細黃花。成穗結實。似蘇子而大。周禮。朝事之籩。供蕡。蕡麻子之連殼者。月令所食之麻。麻仁也。蕡可供麻可食。稍有分別。春種者爲春麻。子小而毒。夏種爲秋麻。子可入藥。海東毛羅島出麻子。大如蓮子。最勝。上郡北地者大如豆。南地者子小。名物解。苴所謂婦雀。以苴之者。已則棄焉。所謂苴履者。安可長也。所棲者道而已。非所以爲存。所謂土苴者此也。所謂菽苴者。其爲穀苴而已。故六穀弗貴焉。廣韻。苴履中草。履藉也。亦作蘆。爾雅。蘆蘆。郭注。作履苴草。疏云。卽蒯類。可作履底。又苞苴。苞苴囊貨也。管子。天地苴萬物。故曰萬物之橐。孔叢子。吾于木瓜。見苞苴之禮。行箋云。以果相遺者。必苞苴之。或葦或茅。苴卽藉也。禮記。飯腥而苴熟。注。苞也。

黍稷重穆

朱傳。先種後熟曰重。後種先熟曰穆。說文。種。先種後孰也。稷。疾孰也。稷或从麥。禾邊作重。是重穆之字。禾邊作種。是種藪之字。今人亂之已久。周禮。內宰。上春詔王后。帥六宮之人。生種。種之。種。獻之于王。鄭司農云。先種後熟謂之種。後種先熟謂之種。玄謂詩云。黍稷種。種是也。賈公彥云。先鄭直云。先種後種。不見穀名。後鄭意。黍稷皆有種。種。又云。舍人以歲時縣種。種之。種。以共王后之春獻種。司稼辨種。種之。種。

其始播百穀

說文。穀。續也。百穀總名。鄭箋。祈來年百穀于公社。月令。天子祈來年于天宗。大割祠于公社及門閭。臘先

祖五祀。禮三農生九穀。又食用六穀。管子大庭氏曰。神農播穀。因以苗爲教。先王禁山澤之作者。將民于生穀也。又田中有木者。謂之穀賊。易日月麗乎天。百穀草木麗乎土。星經曰。八穀星在五車北。主星明則俱熟。周書凡禾麥居東方。黍居南方。稻居中央。粟居西方。菽居北方。物理論。梁者黍稷之總名。稻者漑種之總名。菽者衆豆之總名。三穀各二十種。爲六十種。蔬果之實。助穀各二十種。爲百穀。故詩云。播厥百穀者。衆穀之大名也。周禮太宰九穀注。先鄭云。黍稷秬稻麻。大小豆。大小麥。後鄭謂無秬大麥。有梁菰。膳夫王食用六穀。注云。稌黍稷粱麥苽。疾醫以五穀養其病。注云。麻黍稷麥豆。職方氏揚州荊州其穀宜稻。豫州其穀宜五種。注云。黍稷菽麥稻。青州其穀宜稻麥。兗州其穀宜四種。注云。黍稷稻麥。雍州其穀宜黍稷幽州其穀宜三種。注云。黍稷稻。冀州其穀宜黍稷。并州其穀宜五種。莊子吾欲取天地之精以佐五穀。淮南子神農氏之治天下也。甘雨以時。五穀蕃殖。月令五時食穀。春麥夏菽季夏稷秋麻冬黍。孟秋農乃登穀。內則牛宜稌羊宜黍豕宜稷犬宜粱鴈宜麥魚宜苽。漢食貨志五種注。麻金黍火稷土麥水豆木。大戴禮云。食氣者神明而壽。食穀者智而巧。范子計然曰。五穀者萬民之命。五土之宜各有高下。高而陽者多豆。平而陰者多五穀。五木者五穀之先也。捍其木盛者來年多種之。萬不失一也。禾生于棗或楊。大麥生于杏。小麥生于桃。稻生于柳或楊。黍生于榆。大豆生于槐。小豆生于李。麻生于楊或荆。穀梁傳。一穀不升謂之歉。二穀不升謂之饑。三穀不升謂之饑。四穀不升謂之康。五穀不升謂之大侵。禮斗威儀曰。歲凶穀不登。君膳不祭肺。馬不食穀。淮南子汾水濛濁而宜麻。濟水通和而宜麥。河水中濁而宜菽。雒水輕利而

宜禾。渭水多力而宜黍。江水肥仁而宜稻。漢食貨志。種穀必雜五種。以備災害。董仲舒曰。春秋他穀不書。至于麥禾不成。則書之。以此見聖人于五穀最重。麥禾穀譜云。南人專呼稻爲穀。北人亦以麥黍之類爲穀。各從其所產耳。曹氏曰。傳言天地之精。上爲日月。其下爲五穀。蓋五穀民之所天。天地之精華在焉。昔者神農氏作。天錫之嘉穀。堯時得三十五穗。夏異本同秀。殷又同本異秀。故伊尹稱南海之秬。而管仲告其君以北里之禾爲重。信乎古帝王受命之符。不可輕也。

獻羔祭韭

朱傳。韭。菜名。孔疏。以時韭初出。故薦之。月令。仲春天子乃鮮羔開冰。先薦寢廟。注。鮮當爲獻。說文。一種而久者。故謂之韭。象形在一之上。一。地也。禮。庶人春薦韭以卵。祭宗廟。韭曰豐本。以其不須歲種。周禮。醢人其實韭菹。國策。魏武侯謂徐無鬼曰。先生居山林。食芋果。厭蔥韭。以賓寡人久矣。齊民要術。韭高三寸便剪。剪如蔥法。一歲之中。不過五剪。凡剪不用日中。故諺曰。觸露不搯葵。日中不剪韭。是也。埤雅。韭性內生根。喜上跳。故種與葵同法。而畦欲極深。論衡曰。地性生草。山性生木。故地種葵韭。山種棗栗。名曰美園茂林也。韭者。久也。故祭宗廟用韭。籩之美在白。韭之美在黃。黃未出土者。皆貴其本之豐也。內則曰。膾春用蔥。秋用芥。豚春用韭。秋用蓼。蔥。芥。陰物也。韭。蓼。陽物也。雅翼。首春色黃。未出土時最美。故云。春初早韭。冬末晚菘。夏小正曰。正月囿有韭。易稽覽圖。政道得則陰物變爲陽。鄭注。若蔥變爲韭。本草。韭。葷菜屬。辛溫。歸心安五臟。除胃中熱。莖名韭白。根名韭黃。花名韭菁。俗名鍾乳草。言溫補也。北戶錄。一種水韭。水池塘。

中有二三尺者。五六月可食。不葷而脆。雅翼物久必變。故老韭爲莧。又蘇頌曰。鄭玄言政道得。則陰物變。爲陽。故蔥變爲韭。可驗。蔥冷非溫也。漢書。龔遂令民各種蔥五十本。韭薤一畦。又郭林宗待客。夜冒雨。翦韭作炊餅。今洛人皆效之。晉書。庾公就陶侃食。韭每留白。陶問何爲。云欲種。陶嘆曰。吾子非惟風流。兼有爲政之實。世說。誰謂庾郎貧。案頭嘗有二十七種鮭菜。蓋言三韭也。韭割之卽生。與他草異。

果羸之實

朱傳。果羸。栝樓也。爾雅。果羸之實。栝樓。孔疏。栝樓如瓜。葉形兩兩相值。蔓生。青黑色。六月華。七月實。如瓜瓣。本草經。栝樓根。一名地樓。一名果羸。一名天瓜。一名澤姑。實名黃瓜。主胃痺。圖經。根亦名白藥。皮黃肉白。三四月內生苗。引藤蔓葉如甜瓜。葉作叉。有細毛。七月開花。似葫蘆。花淺黃色。實在花下。大如拳。生青。至九月熟。赤黃色。有正圓者。有銳而長者。內有扁子。大如絲瓜子。殼褐色。子綠多脂。秋後掘根。有粉可入藥。中庸。夫政也者。蒲盧也。注。亦或謂之果羸。埤雅。細腰曰蒲。一曰蒲盧。細腰土蜂謂之蒲盧。義取諸此。今蒲其根著在土而浮。蔓常緣于木。故亦或謂之果羸也。傳曰。在地爲菘。在木爲果。詩曰。不流束蒲。蒲性輕揚。善浮也。

有敦瓜苦

朱傳。苦瓜。伊川經說云。有敦。圓成之狀。瓜苦。瓜之苦者。釋名云。一名錦荔枝。本草。俗名癩葡萄。蔓延草木。莖長七八尺。有毛而澀。葉似野葡萄。花黃。實大如雞子。有皺紋。似荔枝。食物志。苦瓜一名苦蘗。一名君子。

菜味甚苦。然雜他物煮之。他物不苦。自苦而不以苦人。有君子之德。又諸蔬性寒者多沈滯。苦瓜性屬火。以寒爲體。以熱爲用。其皮與子皆益人。所在多有。而南交及海外諸番國特珍之。蓋其土產多甜物。故喜食苦。又其地火方。火炎上。炎上作苦。故人多以苦味解暑。內則調味。夏多苦。周禮注。夏多苦者。南方火味。夏多苦也。李時珍云。氣味苦寒無毒。原出南番。今閩廣及中土皆種之。苗引蔓竝如葡萄而小。七八月開。小黃花。五瓣如碗形。結瓜長四五寸。青色。皮上瘠如癩。熟則黃色自裂。內有紅瓢。味甘可食。南人以充蔬。苦澀有青氣。星槎勝覽云。蘇門答刺國一等瓜。皮若荔枝。甚臭。剖之如囊中酥。甜可食。疑卽此種。

食野之萃

朱傳。萃。蘊蕭也。青色。白莖。如筋。毛傳。萃。萍也。鄭箋。萃。蘊蕭。爾雅。萃。蘊蕭。郭云。今蘊蒿也。初生亦可食。陸疏。葉青白色。莖似筋而輕肥。始生香。可生食。又可蒸食。雅翼。鄭以萍生于水。宜非鹿所食。故易之曰蘊蕭。然古人以水草之交爲麋。則麋鹿亦食水草。廣要曰。毛以萃爲萍。陸氏遂以爲水上小浮萍。且云鹿食且飲也。鄭箋易之曰蘊蕭。孔疏。朱傳俱因之。萋蒿別是一種。鄭漁仲亦誤。又撝神契。竝頭蓮曰華萃。王者德至地。則華萃感。此又別是一物矣。盧氏雜說云。唐文宗言。萃非蘊蕭。鄭漁仲以萃爲萋蒿。豈附會文宗耶。王元美以萋蒿爲蘊。則更牽彊。王遵巖譏陸佃取安石之說。不從鄭箋。而從爾雅。不知爾雅有萍。又有萃。鄭郭皆本爾雅。遵巖未之全考耳。

食野之蒿

宋傳。蒿。蒿也。卽青蒿也。爾雅。蒿。蒿。郭璞曰。今人呼青蒿。香中。炙啖者爲蒿。又蔚。杜。注。無子者陸。疏。蒿。青蒿也。荆。豫。之。間。汝。南。汝。陰。皆。曰。蒿。爾。雅。又。云。蒿。之。醜。秋。爲。蒿。郭。云。春。時。各。有。種。名。至。秋。老。成。通。呼。爲。蒿。有蓬蒿。召南。彼。茁。者。蓬。是。也。有。青。蒿。小。雅。食。野。之。蒿。是。也。又。白。蒿。有。水。陸。二。種。爾。雅。繁。皤。蒿。卽。今。陸。生。之。艾蒿。繁。由。胡。卽。今。水。生。之。萋。蒿。又。香。蒿。或。作。薺。蒿。一。名。蕭。又。蘊。蒿。一。名。萃。蘿。蒿。一。曰。角。蒿。莠。蘿。一。名。蘆。蒿。抱根。叢。生。黃。花。蒿。與。青。蒿。相。似。色。帶。綠。辛。臭。不。可。食。俗。以。罨。醬。黃。酒。麴。及。牛。尾。蒿。色。青。不。白。細。葉。直。上。狀。似牛。尾。又。馬。矢。蒿。葉。大。如。茺。蔚。花。紅。白。色。八。九。月。實。成。俗。謂。之。虎。麻。或。譌。爲。馬。先。晏。子。云。蒿。草。之。高。者。也。故俗。以。根。赤。葉。香。者。爲。晏。子。蒿。埤。雅。云。說。文。蕘。从。蒿。省。蓋。五。十。象。艾。六。十。象。薺。七。十。象。蒿。艾。治。也。蒿。亂。也。莊子曰。是。其。于。辨。也。將。妄。鑿。垣。牆。而。殖。蓬。蒿。也。管。子。曰。今。麟。鳳。不。至。嘉。禾。不。生。而。蓬。蒿。藜。莠。茂。鷓。鴒。數。至。蓋言。穢。亂。也。爾。雅。翼。莊。子。稱。今。之。君。子。蒿。曰。而。憂。世。之。患。蒿。細。弱。而。陰。潤。最。易。棲。塵。故。以。爲。比。言。昧。眼。塵。中而。憂。世。也。明。堂。月。令。違。天。時。則。藜。莠。蓬。蒿。竝。興。然。則。蒿。者。蓋。非。農。祥。也。博。物。志。周。時。盛。德。蒿。大。以。爲。宮。柱。名。曰。蒿。宮。筆。談。青。蒿。一。類。自。有。青。黃。兩。種。陝。西。綏。銀。之。間。蒿。叢。時。有。一。兩。株。迥。然。青。色。土。人。謂。之。香。蒿。莖葉。與。常。蒿。悉。同。但。比。常。蒿。色。青。翠。一。如。松。檜。之。色。至。深。秋。餘。蒿。竝。黃。此。蒿。猶。青。氣。稍。芬。香。恐。古。人。所。用。以。此。爲。勝。通。雅。蒿。之。醜。甚。繁。鹿。食。者。爲。青。蒿。葉。背。面。皆。青。所。謂。犴。蒿。所。謂。蒿。卽。今。草。蒿。也。按。蒿。器。厭。切。郭。注。云。無。子。者。據。圖。經。云。葉。背。青。微。似。茵。陳。根。白。硬。結。實。大。如。麻。子。食。物。本。草。云。牡。蒿。三。四。月。生。苗。葉。扁。有。禿。岐。秋。開。細。黃。花。結。實。大。如。車。前。子。則。蒿。固。有。子。矣。又。蒿。說。文。重。文。作。莖。亦。誤。

食野之芩

朱傳芩草名。莖如釵股。葉如竹。蔓生。陸疏生澤中。下地鹹處。爲草真實。牛馬亦喜食之。爾雅翼鹿鳴所食三物。一曰芩。今蘓蕭始生香可食。二曰蒿。三曰芩。皆香草。蓋草木之臭味相同。有同類食之之義。廣要曰芩。爾雅及諸書皆不載。惟博雅云。黃文內虛芩也。此卽本草黃芩。一名經芩。陶隱居云。圓者名子芩。破者名宿芩。圖經云。莖如箸。葉從地四面作叢生。似與陸疏不同種。說文。葢黃葢也。芩草也。引詩食野之芩。竝巨今切。而分爲二。按葢芩實一字。兼野芩黃芩二義。葢當爲芩。

卉木萋萋

朱傳卉草也。爾雅卉百草。草謂之榮。榮而質謂之秀。秀而不實者謂之英。荄根也。服虔通俗云。草盛曰葢。木茂曰葆。說文卉音誨。一作端。草木之通稱。又草之總名。上林賦。崑然興道而遷義。猶歛然也。舊說今人多以三十之卉代之。按書禹貢卉服。詩百卉嘉卉。通作卉。不自今人始矣。花木考。草木之向陽生者。性暖而解毒。背陰生者。性冷而解熱。在北者移之南不茂。在南者移之北而必變。橘柚凋于北徙。石榴鬱于東移。葦蘼死于盛夏。款冬華于嚴冬。鳩食桑葢而醉。貓食薄荷而暈。芎藭久服而暴亡。黃蘗雜荊芥而致死。物不能違性。人豈能違物哉。卉譜。蛇牀似蘼蕪。薺尼似人參。百部似門冬。芡藜似葶藶。房葵似狼毒。杜蘅似細辛。以其相亂也。楚詞云。薺藜施以盈室。比讒佞滿朝也。薺。蒺藜也。藜。藜藿也。施。卷施也。是之謂三惡草。

南山有臺

朱傳。臺。夫須。卽莎草也。爾雅。臺。夫須。陸疏。舊說。夫須。莎草也。可爲蓑笠。或云。臺草有皮。堅細滑緻。可爲笠。笠。纂文。臺一名山莎。本草。香附子卽莎草。根生田野。二月八月採。圖經。香附子交州者大如棗。近道者如杏仁。苗莖葉都似三稜。根若附子。周匝多毛。今近道生者。苗葉如薤而瘦。根如筍頭大。通志。臺卽雲臺菜。舊說以爲莎草。爾雅。翼。臺。莎草。可爲衣。以禦雨。今人謂之蓑衣。都人士曰。臺笠。緇撮。毛氏云。臺所以禦暑。笠所以禦雨。鄭云。以臺皮爲笠。夫臺但可爲衣。不可爲笠。古稱臺笠。蓑笠。自謂臺與笠耳。不必合爲一物也。齊語。今農時雨既至。脫衣就功。首戴茅蒲。身衣襜褕。韋昭曰。茅蒲。笠笠也。茅或作萌。竹萌之皮。所以爲笠。不必臺矣。又曰。襜褕。蓑。薛衣也。蓋以莎草爲之。今人作笠。亦多用筍皮。箬葉。山海經曰。三危之山有獸。其豪如被蓑。郭氏亦云。蓑被雨草衣。則蓑但可爲衣。不可爲笠。明矣。臺一名夫須。蓋匹夫所須也。一名水香稜。羅願曰。莎葉莖似三稜根。周匝多毛。一名雀頭香。香附子也。上林賦。薛莎青蘋。師古曰。卽今青莎。徐廣曰。蒺莎可染紫。六韜。蓑。薛謂莎草雨衣。晏殊曰。莎耐水旱。樂蔓延。雖拔心隕葉。弗之絕也。埤雅。莎草疏而無溫。故从沙。與內司服所謂沙同意。詩曰。臺笠緇撮。又曰。南山有臺。臺菜草也。其生也在物下。其成也在物先。有基之象。故曰。邦家之基。藥譜。莎葉如老韭葉而硬。光澤有劍脊稜。五六月中抽一莖。三稜中空。莖端出數莖。開青花。成穗如黍。中有細子。其根有鬚。鬚下結子一二枚。轉相延生。卽香附子。按本草有蒿侯莎一條。又別立臺夫須一條。分明二種。舊說多謂臺卽莎草。本草又以莎卽香附。與爾雅異義矣。

北山有萊

朱傳。萊。草名。葉香可食者也。爾雅。釐蔓華。郭注。一名蒙華。說文。萊。卽釐也。陸疏。萊。草名。其葉可食。今兗州人烝以爲茹。謂之萊烝。一說卽紅心灰藿菜。沛人以雞蘇爲萊。三倉以萊萸爲萊。皆名同物異者。蔬譜。萊一名臙脂菜。一名鶴頂草。生不擇地。卽灰藿之紅心者。莖葉稍大。嫩時可食。昔人所謂藜藿膏梁卽此。孔疏。周禮。上地。田百畝。萊五十畝。萊爲草之總名。非別有草名之爲萊也。又萊草似蓬。一名落蒂。大可爲杖。范石湖云。萊釐。吳音並用。草木疏。萊。藜也。韻書。萊。釐。藜。三字音義通。山海經。泰山有草名藜。如荻可爲茹。又藜莖老可爲杖。原憲杖藜出應門。杜詩。清風獨杖藜。又蒺藜。茨也。與此名同實別。